



Mariae Virginis Sacratiss. Miraculorum Libri Tres

Vismara, Ercole

Mediolani, 1579

Miraculorum Virginis Liber. Secundus Ab. Hercule. Vincemala latinè
scriptus.

[urn:nbn:de:hbz:466:1-64305](#)

MIRACVLORVM¹⁰³
VIRGINIS
LIBER. SECUNDVS
AB. HERCVLE. VINCENALA
latinè scriptus.

MIRACVLVM PRIMVM

*Regina coeli auxilium affert, cuiusdam Imperatoris uxori,
quae innumerabilib. malis, & angustijs circumstallata erat.*



OMANVS Imperator, cui pudicissima erat, & nobilissima uxor, maximo desiderio accensus fuit Christi sepulchri, & aliorum locorum, quae religione ueneranda erant, uisendorum. Reb. omnib. ad peregrinationem comparatis, adprobante uxore, quam interim germano fratri commendarat, discessit. At perfidus frater, à mulieris eleganti forma oculos minimè continens, adeò eius insano amore correptus est; ut pudoris froeno perrupto, non ueritus fuerit, illi palam proferre, quam turpi flamma exarderet. Ab eius honestate propugnanda cùm minimè animum posset cohibere; & iam pluries eius furores castissima matrona reprefisset, tandem, ut se ab illa molestia eximeret, ipsa dixit diem, qua simulauit, se uelle nefarij amatoris libidini

dini obsequi, altam igitur turrim preciosa suppelle-
ctile parari, ministrosq. ibi adesse iussit. Aduenerat
iam praestitum tempus, quo clam, & priuatim tur-
rim concendere oportebat; & quo constantiam pu-
dicissimi animi scelestus uinci posse, pro certo habe-
bat. Verum, cum ipse prior turrim ingressus fuisset,
illo ibi dedita opera, una cum ministris, qui inserui-
rent incluso, Imperatoris pudica uxor ad urbis, &
imperij gubernacula animum adiunxit; sub cuius im-
perio Romae usq. ad mariti redditum solida pax, &
tranquillitas data est. Abfuit Imperator integrum
quinquennium, cuius aduentus cum appropinquaret
ipsa edixit, ut illi primores, ac nobiles omnes obuiā
congrederentur. Vibe maximo apparatu mirificè
ornata, leuirum è carcere emisit, uti fratris aduētum
& ipse honestaret, & hilariter exciperet. illum squal-
lidum uidens Imperator, quinam illud euenisset, per-
cunctatus est. At scelestus falsi criminis culpam in-
castissimam feminam, si cas lacrymas exprimens, trā-
stulit; seq. in turrim detrusum fuisse aiebat, quòd im-
moderatam eius libidinem explere noluisset; quae se
se omnib. passim prostituere consueuerat. Illis uer-
bis paenè exanimatus est Imperator. Postero die,
ubi Romam aduenit, aduentum uxor gratulās, illum
amplexari, & osculari coepit. Sed ipse illi in faciem
pugnos impingens, eam è conspectu iussit abire; ser-
uissq. imperauit; ut illam quandam in insulam perdu-
ctam ibi enecarent. Postquam ad eum locum deue-
nere, in quo miserae uita erat adimenda, carnifex
eius pulchritudine capti, antequam occideretur, ca-
stissimam feminam turpis adulterij probro inquinare
statuerant.

statuerant. Sed ipsa moestas querelas ex imo pectore profundens, ad Deum, Virginemq. statim manus extulit. Quarè illi subito diuinitùs auxilium allatū est. Illac.n.nobilissimus heros pertransiit, qui Romae uisis sanctissimis Apostolis, peregrè domum redibat. Is, ubi mulierem, pro pudicitia acriter cum scelestis decertantem uidit, eam ex illorum manib. eripuit. Infelix se eius uiri potestati totam addixit; modò illic, integra castitate, liceret discedere. Ea re impetrata, tanti boni auctorem, illum heroem sequitur; & ab eius uxore humanissimè excipitur, eiq. alendus, & educandus filius datur. Haec tota in Dei cultum cōuersa, creditum sibi puerum, loco filij amabat. Neq. uerò hic immoderata Satanae libido repressa est; qui nullum finem facit insidiarum miserae collaudarum. Eam.n.deperire incipit ipsius heri frater; qui nihil intentatum relinquebat, ut cum ea matrimonio iungeretur, eiusq. animum quotidie pollicitis fletere studebat. Illud autem à muliere responsum tulit: quia herilis frater erat, non posse non à se puro, ac sincero animo amari; sed esse à nuptijs mente penitus aliena. Videns ergo, se non posse ulla uia, quod cū piebat, capere; crudele consilium contra miserā inire incepit: ut uel è fraternis aedib. extruderetur, uel maximum aliquod eius uitae periculū inferretur. Quare, impio Satana duce, & impulsore, noctu, cùm omnes graui somno oppressi in utramq. aurem dormirent; ad illam dormientem accessit, eiusq. in amplexu, & sinu fratris filium crudeliter iugulauit. ibiq. in mulieris manu gladio relicto, abiit. Fluebat in lecto sanguis, quo ea imbuta, somno soluta est; & mor-

O tuum

tuum puerum reperiens, clamore aedeis repleuit.
Cum tota familia illuc parentes concurrentes, qui
mortuum, & cruento conspersum filium propè mulie-
rem inuenere, quo animo esse deberent, coniuncte.
Demum & ipse caedis auctor aduenit, sicut lacrymas,
uixq. ab innocentissima potuit manus continere. Sic
ergo ita fratrem allocutus est. Tu scelestam hanc ali-
bi morti ob innumerabilia scelera iudicata huc ad-
duxisti; nunc uides, quam dignum tibi praemium re-
pendatur. Tu cam in nunc sines impunè abire? neq.
improbissimam, ac crudelissimam, uti promeretur,
comburendam statuēs? Verum tam spectata fuit in
illo tyro, & uxore clementia, ut minimè, pro scelesti
amatoris libidine, contra illam saeuire uoluerint. Ea
iccirco in proximo portu nautae crediderunt; ut in
disiunctas regiones adueheretur. E portu soluta na-
ui, iam in altum longè abscesserant, cum eius pulchri-
tudine nautæ allecti, blanditijs, ac minis, omnia ob-
nixe fecerunt; ut illam in sententiam suam traherent.
Quia autem uidebant, constati matronae animo de-
cretum esse, ut potius moreretur, quam ulla afficeret
labe; eam propè litus in eminenti loco colloca-
runt, solaq. ibi deserta est; ubi totam noctem iacens,
inedia fessa, & quia ad multam noctem uigilarat, po-
stero mane somno opprimitur. Visa est ergo, ita lo-
quentem Virginem audire. postquam tot mala per-
pessa es, ut te etiam ac puram castitatem conseruares;
scito, neminem posthac ullo tempore tuam pudicitiam
attentaturum: efficiamq. ut omnib. innotescat, con-
tra te latas sententias, semper fuisse iniustas. Collige
igitur ex hac herba, super qua procumbis; cuius suc-

.00001

O

cum

cum quicunq. biberit, Christi nomine prius inuocato, si forte is elephantiaco morbo labotauerit, illo emudabitur; ita ut Deum medicinam fecisse iudices. exppercta mulier, illo insomnio laetissima, Virgini gratias agens, ex illa herba cuius nunquam similē uiderat, tantum collegit, quantum satis erat, ad chirōthecas implendas. Paullò post illac quidam nauī transeuntes, quasi à Deo missi, matronae oris augustā effigiem contuentes, auditaq. eius calamitate, miseratione adducti illam in proximum portum secum peruehunt. Ibi oblatus homo illo morbo laborans à muliere eius herbae succo statim sanatur. Eius rei fama ad eam ciuitatem peruerterat in qua diuino iudicio, eo morbo affici cooperat impius ille, qui fratri filiū occiderat. Maximo igitur studio perquisita ad illum heroem se contulit, à quo è carnificis manib. erepta, & diu honestissimè tractata fuerat. In incogniti habitus formam, ne à quoq. nosceretur, se se illa mutauerat; cum qua heros suppliciter egit, ut fratiē aegrotantem curaret. Id factu facillimum esse, ipsa respondebit, eamq. ob rem se operam sedulò daturam, pollicita est. Sed necesse esse, dicebat; ut aegrotās coram septem testib. anteactae uitae suae rationem exponeret, peccataq. omnia proderet. Patefecerat ille omnia, praeter fratri filij necem. Monuit eadem nihil fieri posse, nisi uerè, & ex animo pura omnium confessio esset secuta. Illud.n.primū quaerebatur, ut cuiuscunq. sceleris labes elueretur. Ad id aegrotum frater ualde hortabatur; ut, uel siquid contra se admisisset, fateretur. Flens miser, inauditum, & atrox scelus detexit. Quod audiens frater obstupuit; &

O 2 ubi

ubi se è gravi dolore recepit , testatus est , se non minus vicem dolere matronae illius , quam proprij filij caedem . Continuo ipsa ; quae incognita erat , ne te afflites , inquit , here , ne ue caussa mea excrucieris . adsum illa ; cuius in complexu crudelis patruus puerum occidit . Contra illum à me nullum odium exercetur ; sed pro malo bonum repandam . pristinam uletudinem ille sibi restitutam statim persensit . maximis deinde precib . cū illa aetum est , ut illic moraretur , ac se se matrimonio cum illo iungeret , quem tam immortali beneficio affecerat . Illud ipsa expressè negans , paucis post dieb . Romam peruenit ; ubi innumerabileis eo morbo contabescenteis sanauit . Id Imperatoris frater intelligens , qui illa lue afflectabatur , mulierem iussit accersiri . Is patefactis criminib . omnib . , & praecipue contra ipsam patrato delicto , subito conualuit . Quod cum perlatum fuisse ad Imperatorem ; & ipse , & ceteri omnes ciues ualde tristabantur , perspicientes ex ijs , quae scelestus ediderat , quam impie , & crudeliter cum innocentissima uxore aetum esset , illam iamdiu à seruis illis obtruncatam fuisse existimantes . Forum moerore , & lacrymas diutius ferre non poterat mulier , quae statim dixit , illa sum , quam uos uti defunctam defletis , quae misera falsò accusata , morti etiam damnata fueram . Solidum igitur omnes gaudium gauii sunt . Actot infortunijs iactatam , pudicissimam mulierem , Imperator uxoris , ciues reginae loco iterum adsciscere decreuerant , illam quasi à morte exfuscatam sibiq . restitutam uidentes . At ipsa , quae in illis infortunijs , Deo castitatem uoues , coelibis uitae genus

LIBER SECUNDVS. 109

nus sibi delegerat, de consilij sui ratione pontificem certiorem fecit. Tibi, inquit, optime pastor apud Deum ratio reddenda erit, si pluris imperatorem, quam Deum faciens, me sacra uitia exornare distuleris, quae Deo futurae uitiae meae castitatem sacram. eius uoluntati morem gerere nil moratus est pontifex.

MIRAC. VIRG. II.

*Metu, ac mortis periculo praegnans mulier, maris fluctib.
iaestata, liberatur.*

D Michaeli maximum templum extructum erat, in loco, qui uasto, apertoq. Oceano cunctabatur. Iccirco eius adeundi, ob ingentis maris aestus, maxima erat difficultas. Sed bis quotidie aestus minuebatur; ita ut, qui illac transibat, per siccum littus, eo tempore iter haberent. Quia autem saepè maximo impetu illic se praeruptum mare incitat; uiatores incautos quādoq. deprehendere consuevit. Fortè D. Michaelis festus dies celebrabatur, quo illuc multi concurrebant; inter quos grauida mulier, & partui proxima erat. Cum iam in media illa arena essent, repente iratum mare coepit fluctuare; & cum ceteri omnes effugissent, sola ibi mulier relicta est. Qui è mortis periculo euaserant, eam illic uersantem intuebantur; eiusq. miseratione adducebantur, quae pallida ad coelum manustollens, Virginis, Michaelisq. auxilium implorabat. Illi in mortis metu uersanti regina coeli è coelō dilapsa obuiā se

se dedit; atq. in mediis undis, propriis uestib. ita mulierem texit, ut nullibi eam uidam diceres. Quarē non solum tutō in ipsis fluctib. filium peperit; sed etiā usq. ad maris decessum ibidem morata est; quae postea in sinu illic editum infantem gestans, in sudum rediit: & quae sola à turbida tempestate intercepta fuerat, una cum filiolo, candida, & lucida maris stella ducente, fluctus deuitauit.

MIRAC. VIRG. III.

Militis uxor insania, ac furore percita, renocatur à Dei parente ad mentis sanitatem.

Militis uxor prægnans, quac noctu uiderat in somnis militare signum sanguine cruentatum, somno soluta insanire, & cum mari-
to deliramenta loqui coepit, quae audiens ille obstu-
pescebat. Misera igitur eò dementiae adacta erat,
ut uidere uideretur christianam religionem, quae il-
lucusq. sibi inter ubera uersata fuerat, illinc disce-
dentem. Sic n. infelix à Satana decipiebatur, qui eius
animam in eam calamitatem trahere conabatur, in
quam ipse incidit. amici aegrè mulieris infortunium
ferentes, pro ea innumerabilia uota suscipiunt; eamq.
in infinita beatorum templo perducunt, ut illorum
precib. à Deo miserae sana mens impetraretur. Prae-
ter cetera totam noctem excubias in Trinitatis tem-
plo celebrant. Sed nec eo tempore Deus opt. max.
uoluit, ut uoti sui compotes fierent; quia decreuerat,
ut eius salutis gloria Virgini seruaretur, quia uero
caco-

LIBER SECUNDVS.

III

cacodaemonib. oppressam illā esse existimabant; ean
dē sacra adspersione conspergebant sacerdotes, adiu-
rationib. impios cacodaemones expellere nitentes;
& ut sana mulier fieret, eam maxima cura curabant.
Sed indies morbus ille magis ingrauescebat. Praete-
rierat iam annus, postquā insania fuerat percita; adue-
neratq. Virginis purificationis dies. Quare in templū
quoddam, quod coeli reginac nomini in uasta solitu-
dine à Graecis extructū fuerat, deducta est. Illic totā
noctem morata, sanctissimae Dei matris pietate, cu-
rata est; quae posteā una cum marito tanta pietatis
summis laudib. celebranda, nullum finem facere
unquam desit.

MIRAC. VIRG. IIII.

Monacus cacodaemonis impetum refugit; & ab ebrietatis
uitio, in quo diu peccauerat, ad miram sobrietatem deficit.

COenobita, qui sancte, & auguste Virginem ve-
nerabatur, cellae uinariae praeerat. Is, cùm
plusculum se se in bibendo inuitasset, omni-
no appotus, & ebrius arctius dormire incepit. Vbi ex-
perrectus est, ad templum properat; eq. Satan occur-
rit, tauri formam habens, & cornib. miserum uelle fo-
dere assimulat. Interim pulcherrima Virgo uisa est,
cui sparsi erant per humeros capilli, quae belluam uo-
ce deterrens, è monaci conspectu eam abire iussit.
Properabat ipse recta ad templum, dum se cacodaem-
on in canis imaginem cōuertit, qui ipsum dentib.
& acri morsu petere uelle uidebatur; sed eundem ea-
dem

dem adolescentula abire coegit. Iam uero ingressus erat templum, cum ferus aduersarius saeui leonis similitudinem habens, monacum deuorare nitebatur. Vno autem momento aduenit Virgo, quae teterimam belluam uirga fugauit. Quare repente uti umbra euanuit. Miser timore perculsus, ubi a Virgine manu prehensus est, ad se statim redijt non aliter ac si nunquam fuisset ebrius. illum, ipsa in lectu comitata est, sanctissimaeq. crucis signo eius fronti impresso, amanter monuit; ut poste ab immoderato potu abstineret, ebrietatisq. illius peccatum sacerdoti amico patefaceret; & ad expiandum crimen, ea, quae ab ipso sacerdote fuissent iussa praestaret. quae siuit monacus, quaenam esset, qui vbi eam esse Dei parentem resciuit, sanctissimis eius pedib. se prouoluit, ut eam moraretur, sed Virgo statim in coelum conscendit. Deberent omnes, ac praecipue qui Deo religione consecrati sunt, non modo ebrietatem effugere; sed etiam uino temperatus uti; quando illo uires animi, & corporis eneruantur, luxuriaq. coalescit. Quod si ultero facere parati erimus; nostrum erit Virginem obtestari, ut hoc nobis a Deo impetreret.

MIRAC. VIRG. V.

Cum Deus ob grauiissima hominum delicta ira exardens, orbem terrarum funditus euersurus esset, matris precibus placatur.

Audentissimo animi desiderio, incredibili diligentia, & studio, ordinis sui confirmationem a Deo, & Pontifice maximo D. Dominicus

nicus impetrare, conabatur. Noctu eam ob rem Romae in templo precationi prop̄issimè incumbebat. Ibi Christum servatorem nostrum uidere uisus est, qui contra hominum genus treis hastas, quarum acutissimae erant cuspides, uibrabat, ac contorquebat. Ante filij pedes prostrata erat sanctissima parens, quae cū ipso ardentissimis precib. agebat; ut eos conservaret, ut erga illos misericordia ueteretur, quos sanguinis sui pretio coemerat; grauitatemq. iustitiae, clementia, & pietate leniret, ac temperaret. Piae parenti filius ita respondere uidebatur: nōn ne uides, o Virginum decus, quām multa in me homines foeda, & intollerabilia admittat? & quām crudeliter quotidie me in cruce scelerum suorum grauitate iterum suffigant? Non fas est, mater, longius tot criminum poemam differre. Illa uero, inquit, o fili, coeli rex sempiterne, non me latet, tibi, cui omnia aperta sunt, notū esse, qua ratione miseri ad melius uitae genus reuocari, & perduci possint. Fidissimus uir mihi praestò est, qui me ex animo colit; hunc tu mittas per uniuersas orbis regiones, ut nomen tuum ubiq. diffundat; ut christianaे religionis cultum per omneis ḡteis propaget; erranteisq. tuum ad cultum, & ad catholicam pietatem retrahat. Nunc tibi obsequi, omnino mihi decretum est, o coeli regina, inquit filius, iramq. omnem & odium lenio, ac remitto; sed scire cupio, quinā illi sint, quos ad hominum animos conuertendos tam idoneos esse existimas. Illi Virgo D. Dominicū obtulit, quem Christus ad eam rem, aptissimum esse, aſfirmauit. Praeterea, cum eadem D. Franciscum ostendisset, eius in ea re industriam, & operam utilissimam

P futuram,

futuram, testatus est filius, oculos igitur Dominicus
eo tempore in oblatum sibi Franciscum, quem nun-
quam ante uiderat defigens, postero die, eius somnij
imagine, illum de facie nouit; eumq. osculans, & am-
plete tens, sibi socium, & amicum adscivit. Quin immo
illo tempore mirabilis inter eos animorum, & studio-
rum coniunctionis, firma iacta sunt fundamēta; & ex
exposito somnio, maximam animi laetitiā Franciscus
concepit: sanctiq. uiri animo germani facti sunt.

MIRAC. VIRG. VI.

Filiū animum Virgo precib. suis mollit.

Guilielmo sacerdoti, cui diuinitus coeli secreta
quandoq. aperiri consueuerant, hoc etiam
nunciatum est, de quo tacere nefas, ac turpe
esset. Nam is totum diem precationi incubuerat, ex-
tasiq. perductus, ante Christi tribunal adstare uisus
est. propè iudicis dexterum latus, Angelum, tubam
gerentem conspexit, quē iudex allocutus est apertè,
coelestib. omnib. audiētib.; iussitq. ut tuba persona-
ret. Id cūm ipse statim praestitisset, ita horribilis fuit
eius sonitus, ut terrarum orbis totus contremuerit.
idem ut faceret, iterum imperat. Sed pia, & miseri-
cors Virgo, ad eius pedes devoluta, illum etiam, atq.
etiam obtestata est, ut iudicium illud differret; & ho-
minum genus misericordia sua complectetur, ac
conseruaret. Respondit filius, quotidie homines, ma-
ter, in peius ruunt, meq. ita eorum scelera cōmouent;
ut nec sententiam differre, nec illis parcere decreue-
rim.

LIBERI SECUNDVS.

115

rim. Non modò.n. illi, qui sacris ordinib. addicti non sunt, sed etiā qui mihi religione sunt consecrati quotidie grauiissime peccant, meq. indies magis, magisq. laedunt. Tunc Virgo, leni odium, inquit, ò fili, hominesq. tua pietate complectere, saltem eorum caussas, qui mihi sunt deditissimi. Quarè Christus totus placatus est, & iram depositus.

MIRAC. VIRG. VII.

Prouinciae, quae unius obnoxiam à tota plectebatur, coelè regina opem afferit.

Frisius pugil oenopolium frequentabat, è quo nunquam, nisi ebrius discedebat. Quarè dominum postea rediens semper miseram uxorem conuicijs, & uerberib. urgebat: quae, ut quodam die eius impetum, & furorem effugeret, se aegrotantem simulauit; sacrosanctamq. eucharistiam ad se afferri iussit. Aduenerat iam sacerdos; contra quem pugil consurgens, eum ad bibendum, ceruisiae poculo inuitauit. Respondit sacerdos, se nolle bibere; quia Christi sanctissimum corpus manu continebat. Ira ebrius percitus, poculo illo, sacramenti uasculum concusso, ita ut sacrosanctae hostiae conciderint, quae, utilucidissimae stellulae micare, & splendescere uisae sunt. Illis non sine maxima cura, & diligentia collectis, sacerdos, ob impium factum, moestus abijt. Pugil ante illius prouinciae praesidem citatus, & cōtumax diris inferorum confixus, nihili eam rē faciens, paullo post obijt. Eodem anno à Christo illo prouinciae maxi-

P 2 ma

ma plaga iniecta est. Ibi n. mare è littorib. suis exiēs
multa loca occupauit, multosq. uicos, & pagos im-
mergit; fluctuum impetu hominum nullib. tergentis
interempitis tantae cladis caussa iā omnib. erat igno-
ta, sed Virgo piam matronam adiens, monuit, Frisiam
submersam fuisse, quia in illa filij sui seruatoris no-
stri sacrosancto corpori, quod è coelo sub hostiae sa-
cramento ad mortalium uota, & preces solet descendere,
grauissima iniuria illata fuerat. Iussit ergo re-
gina coeli, ut ad mare oculos matrona conuertetret.
Quod ipsa faciens, uidit percussum à scelesto illo sa-
cramenti uasculum, super undas eminens. Cum iam
propè littus esset, ita ut dignosci posset, Virgo, inquit,
O matrona, ecce filii mei corpus, cuius sacratissimo
nomini ibi templum consecrandum est, ubi hostiae
concederant; cui templo diuini, & immortales hono-
res habendi sunt. Facto ipso ea res fuit comprobata.
Ditissimus, n. uit è pugilis familia, ibi sanctissimae Vir-
gini templum aedificauit. Quarè hinc apertissimè
constat, ob unius criminis atrocitatem, saepè totam
provinciam male multari.

MIRAC. VIRG. II

Virginis simulachrum sudat, eiusq. rei caussa exponitur.
RE S. diuina in templo siebat, in quo infinitus
hominum numerus erat; coepit autem Dei
matris simulachru ibi sudare, ita ut omnes,
qui uiderent, admirarentur. Quin immò tam copiose
sudor manabat, ut eius guttas piac mulieres suda-
riolis,

sm s q

riolis, abstergerent. Fortè ibidem, sic n. Deo uisum fuerat, eodem tempore quidā repertus est, qui iamdiu à caco daemonib. torqueri consueuerat. Quare de illo multi quaerēbant, quinam illud accidisset in Virginis imagine. Illud autem responsum tulere, Virginis filium iam manum extendisse, ut in mortaleis animaduerteret; sed ab ipsa pietatis regina manum obnixè retentam fuisse. Et nisi eo tempore praeclarè, & fortiter à Virgine hominū res gesta fuisset, auctum fuisse de terratum orbe, dicebat; hanc eius sudoris caussam esse, addens. Tremendis igitur illis uerbis omnib. horror membrā percepit.

MIRAC. VIRG. IX.

In uita apprimè utile, saepe Virginis dolores memoria re-petere.

VIR purae, & integrae uitae Christū de Virgine quaerentem audiuit, quinam acerbiores, & grauiores dolores essent ex ijs, quos perpesta fuerat. At ipsa, quinque longè maximos fuisse, fas̄a est, eosq. enumerās ita loqui coepit. Primus ille dolor, dulcissime fili, me exanimauit, cū Simeon uates diuinans mihi nunciauit, futurum, ut tu crudelissima morte interires: secundus uerò, cū te totum triduum, uti amissum eluxi. His tertius accedit, qui mortifero uulnere pectus meum transfixit, ubi te captum, & uinculis obstrictum intellexi. Quartus dolor me interemit; cū te in cruce crudelissimè suffixum conspexi. Quintus deniq. adiunctus est, postquam

in

in tumulo reconditus es, & in te oculos meos defigere destiti, iucundissimo tuo conspectu carens. His filio expositis, ita ipse inquit: quicunq. mater, primum tuū dolorem memoria repetens, me dominica precatione, & salutatione Angelica una implorabit, is resipiscet, & à peccatorum suorum somno soluetur. Quòd si ad secundi doloris memoriam quis idem fecerit, eius omnia peccata delebuntur. Qui tertium memoria retinens idem praestiterit, à me uirtutes illas omneis feret, quas ob culparum criminā corporis mei sacramēti, ante mortem praemium erit. Deniq. id facienti propter quinti doloris religionē, praestō, cùm morietur, adero; illumq. mecum ad coelum efferam'. Quid uero homini christiano, Christi sanguine coempto magis cōuenit, quām saepè animo acerbos dolores perpendere, quos ipse coeli rex passus est? & meditari, quām grauib. curis Virgo sanctissima fatigata fuerit? Id dum piè facimus necesse est; ut nos peccata nostra remordeant.

MIRAC. VIRG. X.

Virginis sepeem gaudia quae'.

Q Vot gaudia coeli regina laeta mente perceperit, ipsa benignè pio monaco exposuit. Ac primum illud esse dicebat, quia gloriae suae amplitudo Angelorum, & beatorum gloria maior est; secundum uero, quia supra omneis Angelorum cho-
ros sanctissimae trinitati ipsa est proxima. Tertio lo-
co se

co se maxima laetitia cumulari testata est, quia uti summi regis genitrix à coelestib. omnib. sanctissimè colitur. Se praetereà incredibiliter gaudere confessa est, cuius aspectu, ut dies solis clara lampade, coelestis regia splendescit. Quinto uero gaudio sanctissima parens cumulatur; quia quicquid ipsi placet, diuina trinitas solet adprobare. Huc accedit sextum, quod laetissima percipit, dum uidet aeterni regis benignitate illis, à quib. colitur, ea praemia repedi, quae ipsa illorum meritis digna iudicarit. superadditur praetereà septimum, quia certò scit, gloriae suae magnitudinem nunquam ullo tempore tolli, aut minui posse.

MIRAC. VIRG. XI.

Virgo è furentis lupi faucib. puellulam eripit, & conseruat.

Matrona honestis morib. ornata, & summè pia, cuidam Virginis imaginì summos honores habebat; quam submissè, cùm prope illam pertransibat salutare consueuerat. Huius puella, dum ruri super area luderet, à lupo fuit surrepta, qui miseram in proximam siluam abstulit. Lupū multi clamantes persecuti sunt; sed minimè adolescētulam ei unquam potuerunt eripere. Mensae igitur accumbebat mater, cùm triste de filia nuncium allatū est. At ipsa, inquit, lupus filiam minimè laedet. Discubens. n. facillum illud petijt, in quo Virginis simulachrum tantopere uenerari consueuerat. È simulachri gremio filiolo ablato, flens ait, o coelestum regina,

gina, tandem decreui mecum filium tuū habere, quan-
diu à me filia mea abērit. Egregia uero Virginis
benignitas, & mirabilis mansuetudo. Quasi. n. ipsa
uerita, ne suo filio sibi carendum esset, si mulieri non
restitueretur filia, lupo continuò iussit, ut ab illa disce-
deret; quod statim euenit. Quare ij, qui atrocis ferae
uestigia persequebantur, puellam se suauib. pomis
oblectantem inuenere. Ac quidem eius gutturi lupi
morsuunculae leniter impressae cōpertae sunt; ut tan-
ti miraculi testimonium apertè uideretur. Perducta
deniq. ad matrem filia, & ipsa laetissimè ad Virginis
statuam accurrit, eiusq. gremio puerum reposuit. Fe-
rè idem miraculum legitur lib. I.

MIRAC. VIRG. XII.

*Piè puerum Virgo respiciens, ut è medijs flammis in columnis
exeat, efficit.*

Mulier diuino cultui ualde dedita, saepe An-
gelica salutatione Virginem salutabat.
Forte ad maritum in opere rustico se exer-
centem cibum ferre oportebat; neq. uero quisquam
offerebatur, cui filiolum, quem habebat, commenda-
ret. Quare Virginem consueta precatione coepit
orare, & illi filium commisit, quo domi solo relieto,
ipsa in agrum properauit ad maritum. Interim uici-
ni aedeis ignis acriter compressit, ita ut tota domus,
in qua erat puer, & ipsa exarserit. Ea re parentib.,
qui in agro erant, nunciata, ubi redeunt, domum pe-
nitus combustam uident. Miseri ob tantam iacturam
trista-

LIBER SECUNDVS.

121

tristabantur; sed grauiori dolore illos filius opprimebat, quem amissum existimabant. Coepit autem mater, dolore diuulsa ita conqueri. Heus, Virgo sanctissima, tibi abiens filium meum commendaui; sub fide, & praesidio tuo tutum illum esse existimabam: qui igitur fieri potuit, ut mihi illum non conseruaris? Vix haec locuta erat, cum filium uiuum, & à flammis eruptum uident.

MIRAC. VIRG. XIII.

Infans, qui Christi infantis statuae panem dederat, triduo post ad coelum uita excedens effertur.

Propè Rhenū in oppido celebri, cui Spirae nomen est, Dei matris cuidam imagini, quae ter D. Bernardum allocuta est, diuinos honores omnes largiuntur. Ibi ipsam pietatis reginam uehementer pro salute sua orabat mulier, cuius puer comedens, paullulum panis, Virginis pueri imagini obtulit, eū illis uerbis salutans, quib. in primo congressu Germani utuntur; deinde miserè ftere incepit. Quarè paruum eius simulachrum, qui maximus, & optimus cuncta supercilio mouet, laetè puerum illum amplexatum est; dicens, noli ftere, puer; post. n. triduum mecum accumbens, coelestis panis cibum capies. Illa audiens mulier, ualde metuit, & re seni sacerdoti ibidem narrata, quid illud portenderet, percunctata est. Ille prudenter eam rem expendens, mulierē monuit, ut diligenter, quid filius ageret, obseruaret; ei post tri duum filium sublatum iri dicens. **Q**uod uti praedictū fuerat.

fuerat, euenit. In febrim. n. puer incidens, tertio die ad Christum elatus est.

MIRAC. VIRG. X I I I .

Ab Hebraea, quae utero laborabat, vocata misericordiae mater, ei opem fert.

Hebraea mulier pariundi difficultate in summas angustias coniecta, è uitæ spe omnino deciderat; cuius ad finem se planè reuocari sentiebat. Iam de illius salute obstetrices ac medici omnes desperabant. Neq. uero dolores intermittebant; sed in maximis aerumnis constituta lucem conspexit, uoxq. ex ipsa luce proficisciens audita est, quae dicebat à mulier, Mariae nomen inuoca, & seruaberis: Dei matrem implora, & ea opportunè aduenies, tibi opitulabitur. Interim alma lux illa discessit; cuius fulgētissimi radij in Iudeae cor penetrarūt; quae statim pulcherrimum filium absq. ullo dolore peperit. Quae ibi aderant Hebraeae mulieres audito saoratissimo Virginis nomine, quod tantopere oderūt: animo ualde perturbatae, ira in pueroram acriter exardebant. Ni autem eo tempore Dei infinita clementia miseram respexisset; illarum impetus non potuisset effugere.



MI

MIRAC. VIRG. XV.

Virginis arbitratu pius uir Ticini Episcopus deligitur.

Hieronymus, ciuis Ticinensis, & clericus, quotidie Virginis pietatem mira religione implorabat, & obtestabatur, illiq. placere, magnopere studebat. Forte Ticini episcopus è uita excessit. Sacerdotes omnes ieunijs ac supplicationib. publicè decretis Deum precati sunt, ut, quinam episcopatu dignus esset, indicaret. sibi mirificè deditum uirum quendam interim Virgo adiit; eiq. edixit, ut Ticinensem populum moneret; uti scribam suum Antistitem adscisceret. quaerēti illi de ipsa Virgine, quinam esset ille scriba; respondit ipsa, eum esse, cui Hieronymo nomen erat; quo nemo eo tempore pietate erga Deū insignior erat, qui fideliter, & studiosè Deo inferuiebat. Eam rem Ticinenses exitu praestare minimè distulerunt. Itaq. pio uiro dum uixit, tantus homos delatus est; post mortem uero beato coeli aeuo cum sempererna felicitate frui coepit.

MIRAC. VIRG. XVI.

Castissima Dei parens sibi dediti pictoris famam tuetur.

In opulento coenobio Hieronymus pictura mirificè delectabatur; & operam praecipue dare solebat; ut Virginem, quam posset, pulcherrimè pingat. Quod si pingenda erat Satanae imago, obni-

coherens
Q 2 xè

xè laborabat , ut deformissimum ex se opus profici-
sceretur; & picto simulachro, in eius facie excrebat.
Immortale odium exercens cacodaemon, cum pictore,
in eo luxuriae ardenteis flamas excitare studuit.
Quare se se improbus in formosissimae mulieris for-
mam uertit , quae monaco sui copiam se facturā pol-
licebatur; modo in re facillima sibi obtemperaret. Ad
omnia se paratum dixit Hieronymus ; cui detestanda
mulier respondit, ut, postquam sacrario praeerat, ua-
sa omnia argentea , & aurea sacris usib. addicta una
congereret , illisq. collisis ad se aurum , & argentum
perferret. futurum. n. promisit, ut se statim poteretur,
suamq. ipse uoluptatem expleret . Ea re statim, absq.
ulla mora facta, scelestus, deposita mulieris forma, al-
tius clamauit, ut monaci illuc currerent, furemq. Hie
ronymum in furto depreenderent, qui aurum, & argen-
tum auferebat . Illi uasa effracta uidentes , sciscita-
bantur; quanam dementia, aut furore captus esset . Is
prae timore obmutuit. At quia noctis tēpus erat, eum
ad columnā deligarunt, ut postero die, cūm illuxisset,
matriūs de illo decernerent. Interim cacodaemon
miserum uinculis adstrictum illudebat, haec inquiēs:
En, lepidum caput, non potuisti effugere, tu illud unū
studebas, ut turpisimi monstri deformitatem muta-
mea imago referret ; ac uultum etiā sputo foedebas.
Par parinunc refiero; uerū tecum peius agetur , qui
publico iudicio damnandus , & igne cremandus es .
Nunc à tua Maria implora auxilium, quam insigniter
pulchram semper pingebas . Memor ille singularis
eius misericordiae , qua suos semper Virgo comple-
titur; illā uerè, & ex animo obsecrabat ut sui, in tāto
periculo,

periculo, miseresceret. Eius precib. mota, pietatis regina, dixit, fortis animo, Hieronyme, & posthac te contra Satanae dolos constatiūs, & ualidiūs munias, & obfirmes; nec finas te in huiusmodi errores amplius deferri. Non. n. à me unquam desereris. Quintam statim è Hieronymo sublatis vinculis, cacodemon, solo Virginis nutu, ad eādem catenā obstrictus est. Itaq. matutinarum precationum tēpore ea omnia diligenter monacus praestitit; quae ab aedituo, & sacrarij praefecto solent exigi. Vbi in templum coenobitae uenere, uasa integra, & ibidem munere suo Hieronymum fungentem uident; quem ipsi adhuc columnae uinctum credebant. Recta autem ad columnam euntes, illic generis humani captiuum hostē periunt; qui, cūm diu ab illis, & multū uapulasset; striore maximo effugit. Deniq. uero rem omnem Hieronymus ab origine omnib. exposuit.

MIRAC. VIRG. VII.

Pudicissimis duab. sororib. impudicitiae impressa nota, diuinities eluitur.

PAUPERRIMA mulier, quae Virginem sanctissimè colebat, & augustè uenerabatur duas filias, quas habebat, ei dicauit, ad eius cultum ipsarum animos, & menteis maxima diligentia instituēs; & confirmans. Sed quia dubitabat, ne ob paupertatem, illarum puritas periclitaretur, eas ante Virginis facillum ipsi Virgini cōmendauit; huncq. habuit sermonem: Regina, mulierum gloria, feminarum decus, hasce

hasce Virgines puellas tuac permitto fidei , & tuā in
clientelam dico, ut tu quae opus sunt, clementia tua
illis suppedites ; quando mihi inopi deest , unde illas
alam . His dictis filiarum dexteras Virginis imaginis
dexterae; ut sanctum foedus probaretur , adiunxit .
Domum uero ipsae redeentes, iuuenem ante ostium
reperiunt , cuius splendor , quam solis radij , clarior
erat , à quo ipsarum paupertas quibusdam nummis
subleuata est. Quod ubi ab inuidis , & maledicis re-
scitum est, eas meretrices esse iactabant , quae impu-
dicè quaestum caperent . Mater autem filias hortata
est, ut Dei matrem adirent; eamq. rogarent , uti falsò
impressam illam notam deleret . Eius dicto iam ipsae
obtemperauerant ; cum festo quodam die Angelus è
coelo descendens , eas in via stanteis in maxima po-
puli frequentia duab. coronis, florib. consertis , quae
suauissimum odorem expirabant, donauit, haec uer-
ba dulci sono locutus: Haec uobis munera Virgo Dei
mater mittit ; ut certissima apud omnes uirginitatis
uestrae documenta, & manifesta signa sint . Obstupe-
scens populi, & illius prouinciae princeps, duo Virgi-
num coenobia ad perpetuā coeli reginae memoriam
exaedificarūt , quib. ipsas sorores posteà praefecere.

MIRAC. VIRG. XVIII.

*Pudica, & proba mulier inique condemnata, capit is pericu-
lo liberatur.*

PUDICAM uxorem , & Virginis studiosam adulter-
maritus, & libidinosus maximo odio prosequ-
batur,

batur, ut id genus hominum facere consueuit. Haec profusi, & int̄ēperant̄is mariti culpa eō egestatis perducta erat; ut nutricijs sibi uictum quaerere cogetur. Cuiusdam n. militis filium nutribat. Ut miseram scelestus maritus perderet, acerbissimo odio percitus puerum noctu iugulauit, & abiit. Summo mane ipsa alumnum mortuū reperiens, exclamans clamore maximo totā familiam à somno excitauit. ubi ab infantis parentib. id rescitum est, in carcerem compacta, & breui tempore morti damnata est. Infelix se patrono destitutam uidens, erectis oculis coelum intuens, dixit: O Virgo, tibi innocentia mea aperta est, tu me tuere, & conserua. Post illa uerba statim decori aspectus mulier, puerum in sinu gestās, aduenit; quae iudices monuit, ut iudicium differrent; puerum illum iudicem eo die futurum dicens. Itaq. ille coram se caussam dici iusfit. in tam tenera aetate admirabilem facundiam, ac prudentiam omnes ualde admirabantur. Is iugulatum infantem intuens, en, inquit, ò iudices mortaliū, posthac diligentius uobis res iudicandae sunt. mortuū igitur ad surgere, suumq. in conspectum prodire iusfit, ut palam profiteretur, à quo necatus fuisset. Repentè ille à morte exsuscitatus, homicidam digito monstrabat. Quare innocentī muliere absoluta, crudeli marito maximis cruciatib. uita adempta est.



MIRAC. VIRG. XIX.

*Virginum coenobij praefecta, Virgine fauente, se turpisimi
dedecoris suspicione exsoluit.*

Vestalium praefecta sibi commissas Virgines tam sancte regebat, easdem ad Dei cultum stricte obseruandum cogens, ut earum omnium acerbum odium sibi iam parasset. Forte Satana impulso, a ministro compressa, grauida facta est. Ac, licet lapsa esset, adhuc tamē in illa uigilantia pergebat, qua uestaleis solebat exercere, ut religiosè Deo inferuirent; & eam ob rem ipsas sibi etiam longè inimicissimas effecerat. illae tandem praefectam gravidam esse è multis signis perspexere; eamq. apud episcopum probri ream egerunt. Ipsa episcopum illuc aduenturum sciens in priuatum facellum secessit, in quo saepè sola Deum, & Virginem precari solebat. Ibi lacrymas effundens, Virginem obsecravit, ut placata, & propitiata sibi praesidio esset. Post longam precationem dormiens, mortalium tutricem latè collucentem, & Angelis comitatam uidit. Per eā à Deo peccati uenia, & pax impetrata est; quae etiam futurū promisit, ut breui eius infamiae nota ablueretur. Quod re ipsa euenit. Virgo. n. Angelis iussit, ut subleuata praefectae alio, infantē eremitae illic proximo alendum mandarent, usq. ad septennium; eam deinde acrius monuit, ut posteā te fortius contra Satanae impetus muniret, futurum dicens, ut post breueis aerumnas, felix conserueretur eius rei exitus. Adueniens

niens episcopus, grauiter à se reprehensam reā è con-
spectu suo abire iussit: quae omnia aequo animo fe-
rens, libenter ab obstetricib. se inspici passa est, ut pe-
riculum fieret, & exploraretur, an id, de quo accusa-
batur, uerū esset. Illae alio minime ingrauescente red-
perta ad episcopum, rem fallam esse retulerunt; qui
ad eius pēdes se abiciens, ueniā orauit; illuc à se om-
neis quae ipsam eo crimine insimularant, continuò
abire iubens. At ipsa sub recōditae cōfessionis sacra-
mento, rem, uti euenerat, fideliter episcopo narrauit;
cui ille piē, & sancte pacem dans, ad eremitam, pios
facer dotes misit, qui filium perquirerent. Illo reper-
to, restatus est eremita, ad se noctu eum allatū fuisse,
sibiq. Virginis uerbis à duob. iuuēnib. fuisse commē-
datum. Ea res maximam pio Antisti admirationem
aduluit; & infantem usq. ad septennium sancto eremi-
tae nutriēdum reliquit; qui, ubi ad matuorem aeta-
tem peruenit, & uitae sanctitate, & sciētia dignus ui-
sus est omnib., qui in episcopatu succederet.

MIRAC. PVIRG. XX.

Mirabiliter Virgo dignitatem sanctimonialis conseruat,
quae fugerat è coenobio, eamq. ad illud renovat.

Beatrix, Virgo Deo consecrata, corporis forma
excellenti praedita, quae se Virgini colenda
penitus dediderat, tunc demum capiebat so-
litam animi laetitiā, cum secretō secedere poterat,
ut alijs curis soluta Deum precaretur, eiusq. pacem
imploraret. Facta aeditua & custos saepius secedēs

R ardenter

ardentiori studio in precationem incumbebat. Huic oculos clericus adiiciens, insano amore corruptus est; qui ardenter flamam illi aperiens, repulsam passus est. Verum miser, quò magis ab ea se contemni sciebat, eò maiorem in pectore ignem concipi sentiebat. Ab incepto iam ipse desistebat, cùm mulier magis impotenti amore flagrare, & inflammati coepit. Itaq. relictis super facello templi, ac coenobij ianuarū clauib., cùm prius Virginem quibusdam uerbis compellasset, è sacris septis erumpens, perdita, & malè conciliata amantem secuta est. Eam pollutam, & uirginitate spoliatam, dignum foedi amoris praemiū, ille deseruit, & à se expulit. uictu iam deficiente, se publicè prostituit. In tetrorem illo, & indecoro uitae genere multos annos delituerat. Deniq. ad coenobij, è quo effugerat, ianuam se conferens, è custode percunctata est, quid Beatrix olim custos ageret. Responsum fuit; in Beatrice, à teneris usq. ad illud tēpus, spectatam semper, & probatam fuisse uitae integritatē. Ea uerba animo expendens Beatrix, quid sibi uellēt, percipere non poterat; illincq. discedebat. At illi se obuiam dedit mater Dei, quae mulieris formā ceperat, atq. ita eam allocuta est. Quindecim annos te absēte, ò Beatrix, uice, ac munere tuo hic functa sum; nunc par, & aequum est, ut huc tu redeas, tuumq. officium ipsa praelestes; & te iam tandem eorum, quae admisiſti, poeniteat. Nemo turpiter anteactae uitae tuae conscius est; sed hominum de te praeclara est estimatio. Illud euenerat, quia ipsa Virgo Beaticis imagine capta, diu custodis munus obierat. Rediit illuc Beatrix, ubi se Deo prius consecrata; & supplex Virgini

Virgini perpetuas gratias agens, in tam immortali beneficio praedicando reliquum uitae consumpsit.

MIRAC. VIRG. XXI.

Ab adulteriū peccati consuetudine mulier abducitur.

Militis uxor, cacodaemonis impulsu, cum altero milite adulterium admisit. Post ali-
quot dies diuino afflatu instincta, ob illud
crimen, grauisimum dolorem cepit; statuitq. ab illo
omnino se abducere. At non ita adultero decretum
erat, qui naētus occasionem, dū mulieris maritus abe-
rat, eam uti consueuerat, ad adulterium prouocauit.
Cū illa minimè ei obtemperare statuisset, uī stuprū
inferre conatur miles. ipsa, quae ab illius uiolentia
se minimè tutam esse existimabat; ad castitatis reginā
confugit, illam obsecrans, ut se à nefandis militis ma-
nib. per sanctissima illa uerba, AVE MARIA,
eriperet. His uerbis statim militis uires omnes pro-
stratae, & abiectae conciderunt; ita ut eo tempore in-
corrupta mulier euaserit; neq. amplius eam ipse po-
steā, aut eius pudicitiam attentare ausus fuerit.

MIRAC. VIRG. XXII.

*Adolescens, quem Satan in pudicae matronae amorem
coniecerat, Virgine iuuante, se recipit.*

TYro adolescentulus Veterano militi inferuiens,
unā cum eo aetatem agebat. Is, licet forma ex-
cellenti

R 2

cellenti esset; puritate tamē animi, ac uirginitate erat
præstantior. Sat tantū boni inuidus, astutē in ado-
lescentē peruersum ingenī coepit intendere, dans
operam, ut herilis uxoriq; amore caperetur. Penita, &
interiori flamma exardēs, eam totum annum celauit.
Tandem non potes amplius perferre, è pudoris finib.
exiens, mulieri amorem suum aperuit; quae castissi-
ma, & marito si diffissima ipsum repellebat. At magis,
magisq; in misero quotidie ardor crescebat. Quare
sancto eremita lacrymans exposuit, quād ardentes
ignes sibi interiores medullas exederent. Pollicitus
est eremita, tanto malo optimè consultum iri, si con-
silio suum sequi decreuisset. Itaq; hortatus est amo-
re perditum iuuenēm, ut integrum annum Angelicā
salutationem singulo die centies memorare pergeret;
ea ratione quicquid uoluisset, à Virgine sacrofanta
imperatum iridicens. Sciebat. n. uir optimus à ca-
stitas utrice, castum iuuenem nunquam desertum
iri. Illud maxima puritate, & animi integritate, face-
re iuuenis non destitit; ita ut iam ad extremum anni
diem uentum esset; quo die una cum hero accumbens
ad memoriam redijt, tunc annum exigi, quo pium uo-
tum perfolleretur. Is statim discubens, & in equum
insiliens, recta delubrum petijt, in quo solitae preca-
tionis muneri satisfecit; annusq; uoti conclusus est.
Exiens autem è téplo, ab augustissima matrona equū
uidit teneri; & ab illa ita compellatus est: An tibi, ado-
lescens, iucundus, & pulcher uidetur meus aspectus?
Responderat miles, nihil à se unquam pulchrius ullo
tempore uisum fuisse; cùm benignissima regina haec
addidit: Tua ego sum amica, & sponsa, propius acce-
de,

colligi

s. H.

de, ut te exosculer: hoc nuptiarum sit initiū , quae ue-
rae , & perfectae apud filium meū huiusmodi die fiēt
fensit illam Dei parentem purissimam , & illibatā esse ,
quae hominum integritate , & castitate miris modis
oblectatur . Quare ab eo tempore insani eius amo-
ris ardor ita in milite extinctus est ; ut ualde heri ip-
sius uxor miraretur . His omnib. eremitae patefactis ,
& ego, inquit, ille, hisce nuptijs celebrandis interesse
cupio . praestituta die adueniente miles in eremitae
conspictu animam efflauit ; quae leuissimo uolatu ad
celebrandas in coelesti cubili nuptias euolauit .

MIRAC. VIRG. XXIII.

Mortem expectanti Virgo adeſt.

Sacerdotis famulus , qui mutus erat , & surdus , in
grauissimum morbum inciderat , & iam in uitae
periculo uersabatur . Eum tunc Virgo salutauit
huiusmodi uerbis : te filius meus saluum , & incoluē
propitiatus seruet , protegat , & foueat . Quib. dictis
statim mutus loqui , & liquidō audire incepit . Quin-
etiam monitus fuerat ab eadem beneficētissima Vir-
gine , ut accerferet sacerdotem , uti peccatis omnib.
editis mystico pane aleretur . Se. n. illum secum ad
beatorum aeuum perdueturum , ipsa promittebat .
Mirabantur omnes , cur ei , qui mutus natus erat , fan-
di potestas data esset . Dixit ille , à Virgine se tam im-
mortali beneficio fuisse affectum , quam suis oculis eo
tempore uiderat . Scire omnes studebant , quaenam
tanti muneris , & tantae beneficentiae erga illum fuif-
erat
set

set causa. Testatus est ipse, nunquam quicquam aliud se coelestis reginae sacrato nomini expendisse, praeter exiguum ieiunij tributum. Etenim cum eo die qui Virgini consecratus est, herus sacerdos ieiunaret; & ipse, rem optimam existimans, illum imitabatur. Id ibi a sacerdote planè confirmatum est. Quare, qui illic aderant, omnes passis manib. Virginem castissimè uenerabantur, & colebant.

MIRAC. VIRG. XXIIII.

Abbatis morienti Virgo opitulata est; eumq. ab aeternis poenis eripuit.

HEnricus, Certesij coenobita, quia quoddam coenobium praefecto carebat, inuitis omnib., ut gradum illum obtineret, operam dabant eius prouinciae rege intercessore, illud munus administravit; quod ab omnib. aegrè ferri, idem rex intelligens, eundem illinc amotum, Haliësi coenobio praefeciendum curauit. Diu praeclarè ibi se gesserat; cum iterum Certesium rediit, ubi paucis post dieb. grauissimo morbo coepit laborare. Etsi ceteris in reb. non admodum spectata erat in Henrico probitas; tamen in eo maximè laudandus erat, quia simplici, & aperto animo Virginè colebat, & saepissimè ad eius nominis memoriam colendam, Deo rem diuinam solebat facere. Progressus iam erat morbus; & ipse monacus mortis metu affectus praefectum accersuerat, ut purae confessionis sacramento animam expiaret ne ob peccata aeternis poenis addiceretur. Interim uidens

uidens ad eundem morbum maximam fieri accessio-
nem, qui nec in lecto consistere, nec ullam quietē re-
perire poterat, alios coenobitas omnes obsecrauit,
uti Deum quam suppliciter possent, rogarent, ut eius
pietate animae suae salus in tuto loco statueretur. Illi
una omnes Deum, & coelestis pro misero precaban-
tur, & piē inuocabant. At ipse sensib. omnib. erexit
mutus factus est. Acerbum dolorem monaci om-
nes ferebant, eum mortuum existimātes, quem sacris
destitutum christiana sepultura honestare non aude-
bant. Interim se Henricus recipit, manusq. ad coelum
extollens, immortaleis Virgini gratias agit, cuius pie-
tate perpetuas poenas effugerat, è quib. aliter nō po-
terat elabi. Dicebat eiusdem Virginis clementia, &
singulari beneficio, à filio impetratum fuisse, ut ipse
sanctissimam eucharistiam sumeret. Illuc colesti
pane allato, statim dicere incepit, sub eo sacramen-
to eum contineri, qui è Virgine natus, ob hominum-
scelera in cruce suffixus est. Pace deniq. monacis
data, & pace ab eis impetrata animam exegit; quae,
ut adstantes pro certo habuere, à Virgine in coelum
fuit perducta. Ille autem in christiana sepultura fuit
conditus; & Virgini eam ob rem maximae gratiae
actae sunt.

MIRAC. VIRG. XXV.

Dissectam ab Haereticis sacerdoti linguam Virgo restituit.

Duo sacerdotes peregrē proficiscentes per Al-
bienium haereticorum prouinciam iter habe-
bant,

bant, quib. dirutum fanum oblatum est. Quia dies erat, Virginis nomini dicatus, in fanum ingredien- di consilium cepere, ut ibi ad eius laudem sacra fa- cerent. Id praestare facillimè poterant, quia se- cum uasa, libros, uesteisq. & cetera ad rem diuinam faciendam opportuna secum ferebant. Ante quām sacra fuissent peracta, haeretici illuc aduenere, qui dissectam alteri sacerdoti linguam è radicib. euulse- runt. Is ab altero ad proximum coenobiū deductus, benignè exceptus, & liberaliter tractatus est à mona- cis illis, qui christiana pietate praestantes erant. No- ñe autem, quae Epiphaniæ diem praecedit; cùm in templo excubiae fierent, parietem ille concusset, eo signo ad se coenobij primores euocans. His, qui ad- currerant, nutu, & signis uidebatur indicare, ut se in locum perducerent, ubi precationi in remoto secessu operam dare posset. Ab illis lubenter ea res ad eius nutum facta est. Ibi intimo dolore diuulsus, cùm Vir- ginis fidem implorasset, ea manib. linguā gerens ac- currit, atq. ita ipsum allocuta est: Postquam pro filij, & nominis mei dignitate, tibi lingua exlecta fuit, nūc nouam tibi linguam affero; os aperi aperto ore, diui- nis manib. mirificè linguā ea radicib. adiunxit, coe- lumq. repente petijt. lingua ille in tanti beneficij au- trice, Angelica salutatione salutanda, apertissimè utebatur. ipsum audientes monaci, ob tam apertum miraculum Dei maximi potentiam, & Virginis misericordiam aeternis laudib. prosequebantur. Sacer- dos uero laetus, ac lubēs eius ordinis religioni se de- didit, ut facilius Deo, Virginiq. posset inferuire.

MI-

In Haereticorum conspectu, cæcum Christianum Virgo illuminat.

In ecclesiastica historia, scriptum est, quædam Di-
viduum diuini cultus obseruantia et cupidum, di-
uinae sapientiae maximo studio, & desiderio re-
neri solitum fuisse; quæ illi à Deo tributa est. Ille pro
Christianâ religione, saepius contra Hebreos, & Ha-
reticos disputationes, eorum fallas, & impias opiniones
apertissimis rationibus, retulerat. At quia caecus natu-
ra erat eius cæcitatè saepè aduersarij exprobabat;
q[ui] absq[ue] ullo procario illi seruiret à quo nunquam impe-
trare potuerat; ut in coecos oculos se lux effunderebat.
Ipse uero diuina misericordia fratres diē aduersarijs
dixit, quo sibi acutissimam oculorū aciem à Deo do-
no datum iri confidebat. Triduum ieunauit, ieiunio
summi Pontificis iussu indicto; quo tempore in egenis
amplissima liberalitate iusus est, & totus fuit in pijs
precationib. Deinde multis ad se acceditis, in Christia-
norum, & Haereticorum corona, & in maximo confessu
eam hymni partem decantauit: Gaudet Maria Virgo,
quæ cunctas Haereses interemisti in hoc mundo;
Quare statim acutissimus ei uillus, & lyncea oculorū
acies diuinitus praelata est; in circò multi Haeretici
ad Christum descenderunt, & mosille, ac consuetudo,
ob illius miraculi metioriam, inuuluit, ut quotidie in
sanctissimae Virginis laudib., ea uerba à Catholicis
recenseantur.

S. MI.

Dei parens, & D. Hyppolitus maledicu[m] qui rescipuerat, sanat.

FESTO D. Magdalena die, rusticus, cui nomen erat Petrus, iunctis aratro bobus coeptum iugerum detestabatur. Eius execratio pondus celerius habuit, quam ipse optarat. Nam cum maxima clade de coelo tacti boues prostrati fuerunt; ipso eodem tempore fulmine grauiter afflato, quem ita ignis attigerat, ut iam misero crura poenè absumpta essent. Eam ob rem suos rogavit, ut se in templū D. Magdalena perferrent, cuius festo diei parum honoris haberat, rusticō operi incumbens. Vbi in illo templo paullum moratus est, penitus ignis ille, qui corpus exedere pergebat, sicut extinctus. At nondum crurum uires erant receptae. Quamobrem audiēs quoddam fanum Virginis multorum miraculorum indicij celeberrimum esse: eius uisendi desiderio accensus est. Forte nauil uectus, in puppi sedēs, cum crura extenderet, alterum disiectum unda aspectu concidit. Quod ipse patienter tulit, & aequo animo passus est. Postridie eius diei ubi ad illud templū uentum est; Virginem una cum D. Hyppolito, cuius ipse erat obseruantissimus, uidere uisus est. ardentissimis precibus intercessor à Virgine contendebat; ut uillico crux amissum restitueret. ossa D. Hyppolito colligente, & crure iterum coniuncto, ille firmis poplitib. incessit.

Grauiissime tres plectuntur, qui inimicum in sacrata aede
Virginis, occiderant.

Contra inimicū tres milites conspirarant. eius interimendi illis commodissima occasio oblatā est. Illum absq. ullo comitatu repertum ut conficerent, fortiter manus conserunt. At ipse in Virginis delubrum configuit; futurum confidens, ut illic, religionis caussa, se inimici ab omni ui, atq. iniuria ab stinerent. Impij quib. nulla est religio, aut pietas, illic ante aras miserum crudelissimè trucidant. Eam ob rem regina coeli maxima ira exarsit; & ut ultore Deo, scelesti supplicium expenderent, statim eos ignis acriter occipit; quo eorū membra exuri ab omnib. aperte uidebantur. Videntes illi, se diuinis poenis exerceri, saeuntia cruciatus permoti, ad illum, quem tantopere laeserant, piē conuerterebant preces. Ea clementissima, Deo ad probante, flamas extingui illico iussit; ne miserorum membra omnino absumerentur. Illi uero ubi primum conualuere, ad Episcopum, sceleris ueniam exposcentes contendunt. Iussit Antistes, ut illa arma, quib. inimicum occiderant, publicē semper gestarent, ad expiandam aliquam eius culpae partem.



S 2 MI-

- IM

Vulnus, quod in crure Sanctimonialis accepérat, diuinitus curatur.

NON praetereundū est, quod festiuitate sua nos ad scribēdū inuitat. Speciatissimae uitae & Virgini ualde dedita Virgo, poplitib. submissis, diu operam precationi dare consueuerat. Forte ad ea m̄ rem propensissimo animo, nimis properè se conferens, dum genua deslechteret, in crure uulnusculum accepit. Præ uulneris dolore in lecto iacens, somno tandem oppressa est. Virginem unguēti uasculū gerentem conspicata est; quae uulneri medicas manus, illo unguento utens, apponebat. Ibi diuini unguenti odore ita omnia respersa sunt, ut eius suauitate ceterae sanctimoniales allectae, una omnes ad aegrotantis lectum cōcurrerint, ubi odoris acrior uis erat. sciscitabantur, quidnam tantam adulisset suauitatem. Noluit ea quisquam indicare. Quinetiā cum illae abiissent, iterum obdormire incepit. Itaq. uisa est a coeli regina in amoenos hortos perduci; in quib. ab ipsa iussa consurgere, firmis genib. in nixa conualuit. Edixit deinde illi uirgo, ut modestius postea ueniam peteret; nec tam festinanter genua submitteret.



IM 2

MI-

MIRAC. VLRG. XXX. u. dñs m̄s
E maris fluctib., Virginis pietate, & ipsamet ducente, vir,
qui peregr̄e proficisci batur, emergit.

Episcopus cum plurimis aliis peregr̄e profici-
scens, nauim conciderat. grauiter afflictam
& ualde quassam nauim uidens nauita, de illa
actum iam esse existimat, quae fluctus recipiebat,
una cum episcopō, & aliis primatib. in lyntem de-
scendit. illuc certatim omnibus confugere nitentib.,
unus labens in mare submersus est. Eos, qui in nauī
permanerant, de imminenti periculo nauita certio-
res facit; qui Deum innumerabilē uotis obsecrabāt.
Dum ad coelum iam manus omnes tetēdissent, sta-
tim nauis ab undis fuit abrepta. Hoc uidens Episco-
pus, non sine dolore, & lacrymis illo ī animas Deo
piè commendabat. Quinetiam idem oculos nunc in
hanc, nunc in illam maris partem uertens, submer-
forum cadauera intuens, ē turbulentis undis excun-
teis candidissimas columbas uidit, quae celeri uola-
tu superas coeli parteis transcendebant. Pro certo ha-
bitum est, eas esse illor. animas, qui in mare decide-
rant. Episcopus, qui prius illor. uicem doluerat, sibi
eandem mortem maximis uotis exoptabat. Ad littus
jam lynter appulerat; cū sibi omnes ob restitutum
amicum, quidnam ei salutem adtulisset, percuncta-
bantur. Eis ipse respondit: dum laberet, ex animo

Vir-

Virginem inuocaui, quae mihi misericordiae mater,
cum sub undis essem, auxilium tulit, meq. ueste sua
uelans, nunc ut uidetis, hucusq. deduxit. Id audiens
Episcopus una cum ceteris omnib. laetè, ac piè Deū,
Virgine inq. aeternis laudib. efferebant.

MIRAC. VIRG. XXXI.

*Pij quidam viri, fracta nauis in mari, illa uerba recitantes
FELIX namq. es sacra virgo Maria, superstites ad littus
eiecti, periculo liberantur.*

Maris tempestate unà cum plurimis aliis, coenobij praefectus agitabatur. quare metuentes omnes, ne morti dederentur, alij hos, alij illos coelesteis in periculo, immortalia uota suscipientes orabant, ut sibi essent propitij. Videns praefectus à nemine Virginis nomen inuocari, dixit, cur alias precamini; eius uero, quae nos magis seruare potest, nullā retinetis memoriā? Rem piam certè geritis; sed melius uobis consultum erit, si unà omnes Dei genitricem aduocabitis. Quod ubi intellexere, eam omnes obtestabantur, ut sui miseresceret. Praeterea praefectus, quamuis inedia fessus esset, toto .n. biduo tempestate ingrauescente, nullum cibum ceperat, unà cum alijs illam hymni partem memoriter recitabat; FELIX es sacra Virgo, & laude dignissima, quia ex te ortus est sol iustitiae Christus Deus noster. His piè peractis, in suprema ipsius nauis mali parte splendidissimam lucem conspexerunt, quae noctis tenebras admirabilem splendorem afferens dissipulerat

spulerat. Ad nutum ergo Virginis statim tempestas sedata est; & maris fluctus compositi sunt. Vbi consumpta nocte, serena dies illuxit; ad eum portum, ad quem iter habebant se ad pulsos uident.

MIRAC. VIRG. XXXII.

Valde salutaris res est ipsa, qui in carcere conclusi sunt, Virginem implorare.

Milles, qui diu in tetro carceri fuerat, soluta ingenti pecunia, in leniorem missus est, ubi a custodib. catenis reuinctus custodiebatur. Noctu dum in illor. medio esset, pro salute sua quam potuit sanctissime Virginem precatus est. Paullo post hanc uocem in somnis audiuit: Virginis confides; te ipsa hinc eximet. Somno excitus, secum cogitabat, uerum ne illud esset, an somni falsa imagine illuderetur. Interim, cum paullulum corpus leui motu declinasset; alteram manum, ac pedem uinculis dissolutum uidet. Solutis somno custodib., & ipsis diuinitus omnis uis fuit sublata. Videns captiuus illud diuino miraculo accidere; somno iterum oppressis custodib., altero pede adhuc catena impedito, attritis linteis, restis uice utens, è specula se dimisit. Eum posteà maximo comitatu illi a tergo persequentes, minimè potuere adsequi. Adepta ille libertate, templum adiens, quas secum adulterat catenas, & uincula, propè seruaticis Virginis sacellum defixit.

MI-

MIRAC. VIRG. XXXII.

Miles, cuius uita improbissima fuerat cum moreretur, se ualde poenitentem praebet; & seruatur.

Milles nobilitate quidem excellens, sed uita improbissimus, in inimici manus incidit, que cum ad caedem paratum uideret, supplex orauit, ut per diuinam misericordiam, saltem differret, donec peccata sua alicui sacerdoti patefecisset. Illud minimè ab inimico impetrati potuit, qui uerebatur, ne id fieret; ut posset elabi, & effugere. Infelix humi iussus procumbere, ut sibi caput obtruncari sineret, statim paruit. Huius animi desiderium cum Deus optimè nouisset, & se ipse eo tempore Virginis filij in fidem, & clientelam commisisset, caput obtruncatum est. Forte ibi quidam erat, qui caco-daemonib. torquibatur. Ex illis multi percunctati sunt, an laetitiam caperent, quod occisi illius hominis, & perditissimi anima ad inferorum tenebras fuisse demissa. Non perditam esse illam animam, responderunt cacodaemones; sed solo uerbo quod ipse mortiens dixerat, seruatam fuisse testabantur.

MI-

-IM

MIRAC. VIRG. XXXIIII.

Lictorem aeternae uitae compotem facit mater misericordiae, licet illi perpetuae mortis periculum immineret.

Lictor, qui saepe carnificis uices gerere consueuerat, cum ante Virginis imaginem pertransibat, illam semper summa impertiebat salute. Dum ante eius pedes deuolutus, ipsam supplex precaretur; interim ei praetoris nuncius iussit, ut statim ad damnatum ne caudum se conferret. Illinc ipse discedens ab inimicis occisus est. Consueuerat forte pius quidā sacerdos noctu singula urbis templa pietatis, & religionis caufsa adire. eo tempore illud Virginis delubri petēs, q̄ lictor adiuverat, ibi multos homines comperit, qui prius uita functi erant. Ex illis complureis hic dū uiuerent, nouerat. Is cupiebat scire, cur tanta illuc multitudo confluxisset, qui ab uno ex illis de ea re certior factus est. Dicebat .n. ille occisi lictoris animam, uti sibi addictam à cacodaemonib. peti, contra uero eandem à Dei matre, uti iuri suo addictam repeti: ideoq. in illo loco una tantum hominum numerum conuenisse, ut Christum illic iudicaturum uiderent. Sacerdos ille uidendi, & audiendi iudicis desiderio accensus est; & illic in angusto, ac remoto loco se abdidit, clanculum obseruaturus, quidnam fieret. Tribunal autem uidit, quod Christus conscenderat, apud quem confederat Virgo. Aduenere deinde impij, lictorem catenis reuinctum ducentes, cuius animam ad se attinere, miris modis probare ni

T teban-

tebatur. Sed Virgo cui, dum occisus est, se commiserat licetor, eum dignum esse, cui Christus placaretur testata est. Dulcissimae parenti omnino morem gerere decreuit filius iudex, ea tamen lege, ne iniuste cum aduersariis actum dici posset. Interim anima ad lictoris corporis redire iussit, ut illuc latitum iret peccata: censuitque a summo Pontifice publica precatio pro istius salute institueretur. Virgo ipsa, illic latenter sacerdotem accersiuit, illaque edixit, ut de filij sui uoluntate in eam Pontificem certiorem facheret. Quinet jam Sacerdoti tam eximiae pulchritudinis rosa relicta est; ut ea uisa, statim illius uerbis maximus Pontifex fidem adhibuerit, qui nihil moratus, quod Christi uerbis fuerat iussum, re ipsa praestitit.

MIRAC. VIRG. XXXV.

Opem latroni misericordiae mater afferit; qui postea ualde poenitens evita excessit.

Famosus latro, qui nihil unquam boni in longa aetate gesserat, diuino afflato adductus, die Virginis dicato, semel tantum iejunauit, & rem diuinam ad eiusdem Virginis memoriam, semel faciendam curauit; ut ab ipsa misericorde ante mortem resipiscendi facultas daretur. Eius uotis annuens ipsa, aperiissimis signis indicauit, a filio impetratum fuisse, ut ante quam mortem latro obiret, quinq. uerba posset effari, quibus omnis peccatorum macula elueretur. Paucis post diebus, ille in carcerem compactus, mortis supplicio damnatus est. Dum ad suspendum deducetur,

T

tur, ei à Christo is animus datus est, ut mirum in modum admissorū scelerū dolore angeretur: quo tempore quinque illa Euangelici publicani uerba maxima animi propensione enunciauit: Deus propitius esto mihi peccatori. Cum Deo igitur in gratiā rediit; & ab aeterna morte ereptus est, re, & opera Virgine adiuuante.

MIRAC. VIRG. XXXVI.

Christi gratia monaco conciliatur, qui in peccatum prolapsus fuerat.

Plus uir, & integer Cistelli ordini se dicauerat, ubi diu pure, & castè uitam degit. Tandem Satanae astu, & fallaciis in peccatum prolapsus est. Illum peccasse, rumor erat; & malè apud multos audiebat. Is interim ad se rediens, dolore maximo diuulsus, ad Virginem miserorū perfugium, confugit; & flens eam obtestari, & implorare non destitit, ut sui miseresceret. Iam diu in luctu, & aerumnis uersatus erat, plurimumq. doloris ob illud crimen hauserat, cùm deinde ualde precationi intentus, uidere uisus est ipsam aeterni regis filiā, cuius in sinu lactens puer erat, prae hominum filiis pulcherrimus. Obscurabatur puer à matre, ut eius delicti expiandi facultas daretur; uti monacus eam posset inire gratiam: qui etiam itidem uehementius illum orare nō desistebat. At, licet sanctus puer os, & uultum auerteret, quasi renuens; impetravit tamen precib. suis mater, ut semel in miserū oculos desigeret. Itaq. coenobitae omnium criminum nota solo infantis obtutu deleta est.

T 2 MI-

MIRAC. VIRG. XXXVI.

Virgo ancillae fit adiutrix, quae licet impudice cum milite
confueisset; in Angelica tamen salutatione frequens erat.

Militis ancilla, intemperans, & inuercunda
uxoris pellex, cum eo, saepè se probro in-
quinabat. licet illi tam turpis nota inusta
esset; tamen quotidie ante Virginis imáginem pro-
strata, ei piè, & sanctè salutationem Angelicam offe-
rebat. Eam rem ubi hera rescivit, & probri omnino
conscia facta est, de ancilla perdenda iam consilium
inierat. Quodā die contra illā ira exardens; ita cum
ea loqui coepit: Profectò te iam ab affinib. meis ne-
candam curassēm; quae à me tam saepè maritum me-
um abducis: at coelestis regis spōsa, me proximè
praeterita nocte conueniens, iussit, ut ab omni iniuria
abstinerem, quod ipsius sis ancilla. Eadem pollicita
est, futurū ut inter nos pax componeretur, perpetuaq.
nobis esset concordia. Hisce uerbis ualde illa com-
mota dixit, qui fieri potest, ò hera, ut me indignam
Virgo ancillam suam profiteri, dignata sit? Ecce nunc
coeli reginae iussu perpetua pax sit inter nos; neq.
ego unquam posthac quicquam faciam, quod animo
tuo aduersetur. Quarè mature illinc in aliam ditionē
profecta est; ubi sacra religione consecrata, se Deo,
ac Virgini in piarū Virginum coenobio illic reliquam
aetatem sanctè exactura, dicauit.

MI-

IM & T

MIRAC. VIRG. XXXVII.
Pacem Virgo inter honestam matronam, & mariti amicā
componit; eamq. ob adulterij consuetudine se uocat.

SA Epissime turpi adulterio libidinosus homo se foedabat. Illud uxor iniquè ferens, in facello Virginis dicato ualde conquesta est, eamq. rogauit, ut dignum supplicium pellex expenderet, cuius ille-icebris à se mariti animus erat abalienatus. Illi respondit Virgo, se perpeti nō posse, ut illa laederetur, quae se centies quotidie pedib. suis abiiceret. Irata uero mulier, quod à matre non ualuit obtinere, à filio impetrari posse existimat. Sic igitur murmurans è facello egreditur, atq. ibi ipsam pellicem forte conperit, à qua interrogata fuit, curnā è pectore querelas effunderet, & cur moereret. Dixit irata mulier: ut dignum flagitiis tuis supplicium sumerer, Dei parentem obtestata sum; quae id mihi expressè negauit, quando tute quotidie ante illam submissè prouoluis: futurum tamen confido, ut eius filius te ulciscatur. Id ubi audiit adultera, flens, & prostrata à muliere ueniam petiit, eius pacem exposcens; & sacramento sanctissimè adfirmando, a se nunquam eius thori iura amplius nolatum iri. Itaq. ut maximo in periculo illi uersantur, qui nunquam boni quicquam facientes, uti Satanae mancipia in peccatis caecutientes delitescūt; ita sperandum est, se illos recepturos, qui, eis a recta via paullulum declinarunt, in eoru tamē mentib. nunquam penitus extinctas religionis flamas uidemus. Nam

-snibio

licet

licet quaecunq. à nobis bona profiscuntur, dum sub peccati imperio sumus, nihil ad sempiternae gloriae gradus adipiscendos afferant; ita tamen nos minunt, & parant, ut facilius à ultiis ad uititiae, & à malo ad bonum defescamus, & digrediamur; atq. cum Deo facilimè redeamus in gratiam. Cauendum est quidem, ne quicquam in sempiterni Dei maiestatem eiusue mandata admittamus. Quod si postea uel nostra imbecillitate, uel Satanae astu lapsi fuerimus; nō ideò à piis operibus abstinendum est. Etenim si nos in illis exercuerimus, ad Christum redeundi desiderio accensi, in uiam rectam reuocabimur.

MIRAC. VIRG. XXXVIII.

Sola liberatoris nostri sacratissimi sanguinis gutta uniuersa mortalium peccata superari, ac uinci.

Sacerdos in quo nullum omnino religionis uestigium apparebat; & qui omnib. illis rebus destitutus erat, quas in homine sacris adstricto esse opportet, quotidie tamen Virginem Angelica salutatione centies salutatum ibat. Is in extremis laborans mente excessit; ac se ante Christi tribunal a cacaemonib., à quib. reus agebatur, raptum uidit. Iudex, perspecta, & cognita rei culpa, eum condemnandum esse censebat. Interim Virgo aduenit, & aduluit liberos, in quib. singulae salutationes erant notatae. Ea iudicem obsecravit, ut sibi lege agere, & iudicium iterum adipisci licetet. Repente aduersarij in mediū proferunt tabulas, in quib. ea, quae admiserat reus,

ordina-

ordinatim erant perscripta. Positis in libra utriusq. partis iurib., ut omnia simul examinarentur; flagitia superabant; & maius illis pondus inerat. Id Dei mater praevidens cum filio suppliciter ita egit: Memorare, fili, sanctissimum tuum corpus, quod pro hominum uita mortem sustulit, ex hoc virgineo sanguine fuisse procreatum; Obsecro sacratissimi tui sanguinis, quem pro mortalib. effudisti, guttam mihi condones. Laetus, ac lubens matri morem gessit; eiq. sanguinis guttam concessit, testatus, eius solius gravitate ac pondere uniuersa mortalium peccata superari, & vinciri. Facto in ea re periculo, & addita preciosissimi sanguinis gutta illi librae lanci, in qua virginis libri erant; ea lanx maximo interuallo alteram depresso; leuissimaq. fauilla cacodoemonum libri leviores uisi sunt. Tunc impij clamantes, quod ob Virginis clementiam, uires suae prosternerentur, & ipsi perpetuis catenis, ac seruituti addicerentur, abierunt. Rediit interim ad suum corpus anima; & statim sacerdos conualuit; qui deinde a mundi caducis rcb. secessit ad coenobium quoddā aduolans. Duo potissimum hinc Christum nobis indicare uoluisse existimandum est; primū ut intelligamus, quām magni precij sit eius innocētissimus sanguis, pro salute nostra effusus; praeterea ut constanti spe credamus, ibi actum esse de cacodoemonum furore, & impetu, ubi nos fidissima patrona tueri, & protegere decreuit.

MIRAC. VIRG. XXIX.

*Rusticus qui, nimia' ingluwie ad rem ualde auidus erat,
tandem aeternum supplicium effugit.*

Tam auido,& ad ré attéto ingenio rusticus erat ut dū praedia, & agros suos araret, semper occuparet aliquā vicini partem;& saepissimè etiā agrorum terminos reuelleret. Ab illo tamen nunquam Virginis memoria discedebat; quam piè, & religiosè salutare confueuerat. Diē suum obiit, & genesis hominum hostes quib. explorata erat eius uita, miseri animae anxiè inhababant. Sed Angelorum praefidio statim munitus est. Aduersarij innumerabilia, & infinita poenè rustici delicta singulatimi enumerauerunt ob quae ad se illius animum pertinere, absq. ulla controuersia, aut iudicio, dicebant. Ipsum Angelituebantur, ab eo saepe Virginē salutatam fuisse, attestantes. Quare nefaria e belluae his auditis sese in fugam dedere. Anima uerò illa ex hostium manib. erepta infernas poenas, Christi misericordia, ob immortalia sanctissimae Virginis merita effugit. Neq. uerò quisquam, ea spe adductus, ut si paullulum resipuerit, eius noxiae dimittantur, credat sibi aliena licere rapere. etenim, quamuis Deo placuerit, secretis, & occultis eius iudicijs, ob Virginis pietatem saepe huiusmodi bonis plurimos afficere; nemo tamē in mala prolabatur, aut in ijs sit pertinax. Saepe enim euenit, ut qui plurima etiam bona fecerunt, ob unius peccati contumaciam, aeternis poenis addicti fuerint.

MI-

MIRACULUM X.

In manu sicarins, qui eo ab domadae die, qui Virgini consecratus est, iejunare assueverat, non potest absq. confessionis sacramento interimi.

Narrare multis solebat doctissimus, & maximus amè pius vir, sua in plurimis ad eò crudelēm licarium repertum fuisse; ut enim nihil potius esset, quam humano sanguinem matutus foedare. Huic insidij inimicorum capti obtrucatum est caput. Sed cum prius peccatorum omnium confessio, & intimus dolor praecessisset, Virginis pietate, & clemētia seruata fuit eius anima. Nam, et si disiunctum erat caput, non poterat mori. Interim unus ex inimicis, eius rei timore perculsus sacerdotem accersiust. Non audiebat propius ad eum accedere facerdos; nisi prius corpori caput coniunctam fuisse. Eo coniuncto, sanctissime confessionis sacramenti muneri satisfactum est. Sacerdos per cunctos est ab illo, cur minime interire posset. Libenter ille miraculi ratione, & caussam exposuit. Dicebat enim, cum adolescentis esset, à multis accepisse, neminem unquam absq. sacramento confessionis diem suum obire posse, qui diem virginis dicatur; aut Mercurij diem ad ipsius Dei matris memoriam ieunaret. Addebat præterea, & profitebatur, se sanctum illud institutum iejunandi illucusq. unquam frisse intermissum. Illud est quicquid boni in toto uitio cuius ab eo actū fuerat. Absoluus ergo à sacerdote, Deo anima, ut credere piū est, reddidit.

V MI-

MIRACULUM XLI.

*in latro, cui obtruncatum fuerat caput, non potest prius emori,
quam sacerdoti peccata sua confessus fuerit. animi, & carnis dolorum*

Pauperis puellae paruam domum sur ingressus,
uit aliquid auferret; cum de uarijs feb. sermo
prolebincidisset, sonitus tollam, licet ad huc tenet lae acta
res esset, ieiunare. Scisoltatus est, quinam illud face-
ret, quae respondit id à se eam ob rem flem, quia scie-
bat à multis pro certo haberet, eum qui die Virginis
consecrato ieiunasset, non posse prius emori, quam
ex animo peccatorum omnium poenituisse. Puellae
exemplo, & ipse illo dilectuane insinuit. Damnatus
est ob innumerabilia delicia, & cum obtruncatum esset
caput, res dictu mirabilis, caput ipsius clavabat, ut
sibi confessionis sacramentum imperaret. Sacerdo-
te properè accito, & cum corpore capite conjuncto,
summa virginis clementia, non sine maximo dolore,
quicquid dimiserat, ipse si latere poterat aperte indicauit,
& confessus est. Quin etiam in omnium conspicere
statu & stetim mortale illud beneficium. Virginis pie-
tate prouenisse, cuius ad laude diem illum ieiunans
ut sibi concederetur, ne absq; Ecclesiae sacramentis
ex hac uita migrabat. Quamobrem cacodaemones,
qui libidinum inhibant, qui Virginis conspectum,
& sacra fabiae confessionis uith ferre non possunt
illinc ad tenebris solas sedes repente devolarunt. Ille
uero pax a Deo prius impetrata, animam est lauit in
Ecclisie peditinaque Haereticorum & impiorum quas
cene-

-IM V

tenetib[us] se splendidissimae ueritatis luci offundere
posse existimant? Adhuc ne audebunt negare, & dif-
fiteri, uim tantam confessioni dinesse, quantum pios
omnes fateri oportet. Hucusq[ue] in tenebris orerentur
rōne latere decernunt adhuc in fallacijs latere sta-
tuunt? Huic i[n]miraculo non dissimile est illud, quod in
adolescente euenit, qui saepissime Virginem saluta-
bat. Furto non admisso, capit[us] poena multatus est; sed
caput semper fari, & loqui perrexit, donec illi per op-
portuna sacra certa uitae salus, & quies allata est.

M I R A C U L U M . Miles, cuius membra in innumeris parteis dissecta, ac dissi-
pata erant, non potest animam effundere, antequam se con-
fessione pura expiarit.

Sub quodam arcis praefecto, tres fratres una eolu-
dem tempore stipendia gesserant. ab illo postea
dimisi, in proximis siluis latentes quotidie uia-
toribus maximum damnum afferebant. Arcis praefe-
ctus, prouinciae illis hominibus expiandae cupidissi-
mus, duos ex illis captos suspendi iusserit. In illo igitur,
qui effugerat, quotidie furor crescebat, atq[ue] eius
animus in uiatores siebat immitior; qui tamē Dei in-
stinctu saeuia, & indomiti animi sui sensum sacerdoti
confessus est. Et tam nefando uitae genere illum Sa-
cerdos abstrahere miris modis nitebatur. At ip-
se animo penitus statuerat, nolle se prius unquam
tundendi, rapiendi, & posternandi finem facere;
quam morte fratri, praefecti illius necesse ultius fuisset;

201301

V 2 Illumq.

illumq. int̄eremisset uel gladio, uel sagitta. pollicitus
quidem fuit, se quorūnnis integros dies quattuor ab
stinerter solo pānis cibō, & aquae potu altum iri.
Dies sibi illos praestituit, qui Virginis purificatio-
nem, annunciationem, assumptionem, nativitatēm q.
praeceduunt. Id sedulō se facturū dixit, ne sibi ex
hac uita, absq. sanctissimis ecclesiae sacramentis esset
decedendum. Non improbandam esse eius consilij
rationem sacerdos inquit; sed parum boni ex illo bo-
no prouenturum, ni prius à uia mali declinasset, & ad
frugem se receperisset. Non multo post tempore à praefecti
inimici militib. captus, adeò crudeliter trucida-
tus est, ut eius membra in parteis innumerā caesa, &
dissecta uidarentur. Ac licet ea diminuta, & dissipata
essent; tamen non poterat morte absumi: sed ad-
huc semper loquebatur. Ea res incredibili admirati-
one percussores afficiebat; quos ipse, cū nullū cae-
dendi finem facerent, ita allocutus est: Frustranos in
me tela, & ferrum conuertitis. Etenim non prius ani-
mam hanc effundam, quam sanctissimae confessionis
muneri satisfecerim. & coelestis, mysticiq. panis cibū
cepērim. Itaq. post sacerdotis aduentum piē, & inte-
grē utriusq. praestitit. Non praetereundum est, quod
huic loco aptē uidetur conuensire. Aegrotus. n. de cu-
iū salutē medici desperabāt, illud unū agebat, quod
in tanto periculo constitutos facere aequum est; ut
Christo, & eius matrī extremū illum abitum com-
mendaret. Dum in mortis conflictu ille acriter dimi-
caret, ab ea sibi auxilium paratum uidit, in cuius tu-
tela est hominū genus, quae se Dei matrē apertē pro-
fessa est. Animū ille recipiens, maxima constantia

laetus

laetus mortem obinit; eiusq. misericordiam expertus est, quam ex animo maximis uotis obsecrauerat. Li- cèt hoc per ratò indicetur, & innotescat; solet tamen saepissimè nobis ex hac uita migrantib. adesse Dei maximi filia, quae salutis nostrae magis studiosa est, quam nosmet ipsi. Accedit egregium militis exem- plum, qui in ceteris improbissimus, manè, cùm è lecto exsurgebat, & uespere ante quam in somnum oculos declinaret, semper Virginem salutabat; cuius postea opera, & auxilio ex aeternae mortis periculo euasit.

MIRAC. VIRG. XLIII.

*Dei matris, ac D. Petri precib., coenobita sc̄e mortis aeter-
nae criminē expedit.*

IN coenobio D. Petro dicato quidam minus inte- grè, & purè uitam degerat. Forte aegrotans phar- macum biberat, quam ob potionē creptis sensib. absq. sacramentis ecclesiae interiit. anima a cacodae- mone tenebricosa mortis loca abrepta est. At D. Pe- trus, seruatorem nostrū pro miseri salute piè orabat. Ita Petrum Christus allocutus est: Iam ne, Petre, eius psalmi memoria tibi excidit, quem instinctu meo ua- tes cecinit: Quis habitabit in tabernaculo tuo? eur summa coeli templas ingredietur, cui nunquā cordi fuit ullum bonum, qui pertinax in peccatis callū ob- duxit? Interim ad Virginem Petrus confugit, uti ea miseri coenobitae caussam ageret. Cùm illa splen- didissima ante filij conspectū prodijisset, ab ipso aman- tissimè interrogata est, quidnam factō opus esset. di-

xit

xit ipsa, se hominis illius conseruādi ualde cupidam
esse. Respondit Christus; nihil sibi potius esse, quām
ut carissimae matri rem gratam faceret. Ut autē ille
ipsius Virginis precib. condonarētur; animā ad cor
pus redire iussit; uti, cū monacum peccatorum suo
rum prius poenituisse, tandem uitiae sempiternae fe
licitate perfueretur. De ea re ab ipsa lucidissima
coeli stella, Petrus certior factus, immēsa clavi, quam
gestare solet, cacodaemones tundens, illos expulit;
iudicatq; ab illorum potestate animā illam. An
gelis commisit. E morte suscitatus monacus haec om
nia, uti euenerant, omnib. palam aperuit.

MIRAC. VIRG. X L I I I .

Pium monacum, à quo summa ueneratione, & mirifica ani
mi attentione obsecrari solita erat, Virgo osculatur.

IN Hispania priuati, & littetarū imperiti monaci,
quib. nulla sacerdotij dignitas delata erat, adeo
spectata uita, & sanctis morib. excellebant; ut illi,
qui sacerdotes erant, in ipsis tanquam in speculo se
contemplarentur. Horum unus animi erga Virginem
ita studiosi erat, ut, dum in templis hymnos caneret,
non modò in singulis uerbis, sed etiam in syllabis, &
clementis quibusq. insistens alta mēte repeteret Vir
ginis memoriam. In sanctissima, & laudib. digna con
fuetudine totum decennium perrexerat sanctus vir,
ab honesto instituto ne transuersum quidem digitum
unquam recedens. Tandem ille mōrbo laborare in
cepit; ad quem praefectus monacum misit, qui in ijs,
quae

quae ad morbum expellendum pertinent, nequaquam
decesset. Quia uero ille sciebat, hunc coenobitam
maximam sanctitatem excellere, ut se aliquid edoceret, quod
ad melius uitam instituendam inuaret, ualde obte-
stabatur. Dixit pius uir, proxime praeterito die se
plurima salute a summi regis sponsa impetratum fuisse;
quae futurum praedixit, ut septimo die post hinc ad
coelum demigraret, testatus est praeterea, se ab ega-
dem sanctius collo sanctissimis brachijs amplexu oscu-
lum tulisse, praestituto die, qui ab eo septimus erat,
ex humanis opus erat excedere. Dum in extremis la-
boraret, praefectus, qui dormiebat, uisus est candi-
datorum maximam lucem uidere, qui se aduenisse di-
cebant, ut aegroti animam ad coelum comitarentur.
ostium cubilis extemplo creperc & pultari uisum est.
Itaque consurgens, nemine reperto, pro certo habuit,
illuc coelestis descendisse, ut Virginis clientem se-
cum deducerent.

MIRAC. VIRG. XLV.

Dum in extremis laborant mortales, quomodo ab eis Vir-
ginis auxilium sit implorandum.

Viginti annos Deo monacus inseruuerat, qui
in extremo uitae periculo constitutus ma-
xiuitam cagodaemonum turbam, ut animam
eniperent, ad se uenientem uidit. Quare flebili uoce
conqueri ita incepit: Vae mihi, qui unquam huic re-
ligioni nomen dederim, melius mihi consultum esset,
si nunquam a parentib. suissem procreatus. Accurre-
runt

RIBM

Et illi omnes monaci, & priores illius salute apud Deum
uota suscipiebant; ut misero sanâ mens restitueretur.
Ille, qui adsistebat, ipsum amanter ita compellauit:
Hem, cur ita cōquereris, cur ita mortem exhorrescis?
non ne tibi semper uita probè acta est? non ne à nobis
semper integer habitus es? Haec igitur, quae à me
dicuntur, sincera mente enuncia: Maria, mater
gratiae, mater misericordiae tu nos ab hoste prote-
ge, & hora mortis suscipe. Id libenter aegrotus fece-
rat, cùm statim gaudio exultans dicere incepit, ô me
fortunatum, qui huic religioni me adstrinxerim. ô me
felicem, cui in hanc lucem prodire contigit. Tam re-
pétinae animi mutationis causam ceteri omnes per-
scrutabantur. At ipse inquit, tunc, cùm moestas è pe-
ctore querelas effunderet, auditisimis cacodæmoni-
nib. se fuisse conceptum, quia animae inhiabant. Sed
postquam sanctissima illa precatio exaudita est; statim
aduenisse dicebat misericordiae reginâ; cuius aduen-
tu immanes belluae dispersae fuerunt. Interim lae-
tum ad conuiuiū ipse uocatus statim laetè animâ effla-
uit. Cur igitur, mortales, cùm Virginem precamur,
si, ut aequum est, animis non adsumus, dum singuli
hymni recensentur; saltē aurea haec uerba attētiūs
non dicimus, aut diligentius nō expendimus? Non n.
absque maxima ratione, Romanae ecclesiae ritu, &
instituto, in extrema Angelicae salutationis parte
coeli reginam implorare solemus; ut in extremo ui-
tae curriculo nos protegat. Ne queunt unquam se-
reni eius uultus solem intueri cacodæmones; sed,
dum maximè ad rapiendas hominum animas attenti
sunt, diuinæ eius lucis radijs uicti effugient. Itaq.

Maria

Maria mater gratiae, mater misericordiae, tu nos ab
hoste protege, & hora mortis suscipe.

MIRAC. V. IRG. XLVI.

*Iis, qui vel solam noxiā, fraudantes confessionis sacramen-
tum, celauerint, non posse ad coelum aditum patere; si ita perti-
naces ē uita excederint.*

VIR, cuius erga Virginem mirifica erat obseruantia, inauditum crimen commiserat: quod, ob nimiam turpitudinem sacerdoti fateri, sub pudebat. Post aliquot dies animi conscientia percitus illud aeterno Deo cui omnia aperta sunt flens confessus est; & ita locutus est: Immortalis rex quod ego erubescens peccatum celaui, nunc tibi uni confiteor; fac eius ueniam, per misericordiam tuā impetrem, ut tādem tuo afflato ductus resipiscam, & ad me redeam. Dum haec animo secum ipse deputaret, & iam confessionis caussa sacerdotem adiret. illis se obuiam dedit Satan, sacerdotis imaginem gerens; ac sciscitatus est, quidnam solus meditaretur. Rem ipse, & consilium suum aperuit. Miserum uero sub falsa forma acerbus hostis decipiens, illi edixit, & auctor fuit, ne cuiquam illud peccatum fateretur, & pro certo haberet, sibi eius ueniam datam fuisse. Improbo consilio fraudem inesse nesciens, eius dicto uir incautus, & Satanae technarum ignarus obtemperat. Post cius mortem inter Angelos, & cacodaemones, de illius anima controuertia erat. Ea nitebantur ratione impij, quia immutabili supremi regis sententia sancti-

ds

X tum

tum est, ut qualis moriens quis reperitur, talis, & eo in statu iudicetur. Itaq. animam illius sibi addictā esse dicebant; qui mortis tempore in mortali culpa deprehensus esset; & secum illam abstrahebant. Sed Virgo in ipso prope infernarū aedium limine, cùm nondum illi introiissent, scelestos comprehendit; quib. per tremendum iudicij diem iussit, ut nulla interposita mora, animam corpori suo reponerent; ut crimen illo, quod ipsorum fallacijs, & dolo tectum fuerat, sacerdoti edito, ille seruaretur. Ex hoc & alijs innumerabilib. in manifesto est, nemini, qui uel solius noxae, aut peccati doloso filētio, cōfessionē fraudauerit, ad coelum aditum patere. At si qua pietate quis dignus fuerit, eum semper fuisse uitiae restitutū: ut quod abscondisset, apertè proferret. Videant nunc haeretici, quām impiè, quām sceleratè, quām impudenter faciat; quos non pudet dubitare, de huius potentissimi sacramēti ui, ac summa potestate: qui nodum in scirpto quaere non uerentur.

MIRAC. VIRG. XLVII.

Sibi addicti clerici adolescentis cadauer, misericordiae parentis in sacro loco humandum iubet; cum prius in profano sepulchro sepultum esset.

TAmetsi clericus ea dignitate, in qua cōstitutus erat, indignam uitam agebat; & pessimè audiebat; tamen Virginī mirificum honorē semper tribuebat, eiusq. nomen sanctissimè uerebatur, eamdem saepè plurima salute piè impertiens. Is

ab

ab inimicis ob sua flagitia trucidatus, indignus uisus est christiana sepultura; eumq. in sacro loco sepelire recusauit uiciniae sacerdos. Post eius obitum triginta dies praeterierant, cum Virgo de sacerdote, à quo christiana sepultura uetita fuerat, quaesuit; cur tam iniquè cum cliente suo fidissimo egisset. Quinetiam iussit, ut in sacro, & religioso loco eius cadauer pone-ret. Ea re cum multis priùs communicata sacerdos ad eum locum contendit, in quo iacebat cadauer. Ibi in eius ore purpureum florē reperit, & linguā adhuc puram, & integrā: tametsi iam tricta dies in sepulchro corpus abditum fuisset. Id factū fuisse omnes coniiciebant, quia ex illius ore saepè Virginis salutatio proficisebatur. Itaq. illinc cadauer honestissima pompa elatum, & mutato solo, in sacro loco cōditum est; Virginiq. ab omnib. ob tantam pietatem maxime gratiae actae sunt.

MIRAC. VIRG. XLVIII.

Dat operam Virgo, ne Diaconus christiana sepultura careat.

Templo Virgini dicato inseruiebat monacus Diaconus, eius cultui maximè deditus; sed ingenio nimis iracundo, & ad excandescendum facili erat. Iracundia forte ita exarsit, ut illo impetu inimicis quibusdam sauciatis, ab illis posteā telo traiectus, letali uulnere conciderit. Id cūm ad ciuitatis Antistitem fuisset delatum, grauiter illud factū accusauit, quod ille ultrò in mortem erupislet. Prohibuit igitur, ne intra coenobium, nec in coenobitarum

X 2 sepulchro

sepulchro sepeliretur. Antistitem Virgo noctu comperiens, ualde conuesta est, ob illatā Diacono iniuriā; iussitq., ut illius corpus inter aliorū monacorū cadavera honestē sepeliendum curaret. Quod si mandata illa spreuisset, nec eius Diaconi curam gessisset, à quo obseruari & coli solebat, dignas poenas expensum iri monebat. Mane Episcopus, sacerdotum concilio celeriter conuocato, quae in somnis acciderant, exposuit; & eius iusu illius corpus piē intra coenobij sacrata septa pie reconditum est.

MIRAC. VIRG. X L I X.

Mira uocis dulcedine adolescens Virginis laudes canebat;
cū à Iudeis necatur, at ipsa eum repente exsuscitat.

Frequenter quodam in templo uerba illa decantabantur, G A V D E Maria, unā cum illo uersiculo, E R V B E S C A T. Iudaeus: Iustum fuit adolescenti, qui uocis dulcedine, & suauitate excellebat, ut illum hymnū caneret. Forte illa transtire Haebraei, qui ad uineas ibi proximas, animi gratia, secedebant. Illi ira perciti, & acerbū odium contra adolescentem statim concipientes, blandis, & phaleratis dictis secum illū ad uineas perduxere; ubi incautum postea interimerūt. Post impiorum abitum, à Virgine, cui laudes canebat, exsuscitatus est: eq. illa edixit, ut se animo postea constantius obfirmaret, & coram omnib. palam, & aperte prædicaret easdē laudes. Quod ipse & crebrius multò, & suauiori concentu facere perrexit, ab instituto suo minimè recedens.

dens. Tandem illum audientes, ac uidentes ijdem
Hebrei tanto miraculo aperte perspecto, se Christo
dediderunt ad gloriam Virginis sempiternam, & per
petuum dēcūs.

M I R A C U L U M

V I R G I N E

L O R D U M

E T A T E M

S A C R I M O N I A L E M

V I R G O A P U R G A T O R Y

P O E N I S I L B E R A T

AEtatem in virginū coenobio Virgo degebat,
ad eō spectatis morib. praestās, ut ieconijs,
precationib., sanctissimisq. dictis, & factis
immortali sponso Christo, Virginiq. sanctissimae sum-
mē placere niteretur; & in eam rem omne studiū po-
neret. Videns Sātan, nunquam ad pia purae mulie-
ris consilia, fallacijs suis aditum patere potuisse; frau-
dulentum ingenium coepit intendere, & obnixè co-
nari; ut Dei maximī mandata, quae constanti mente
tenebat, sperneret; & se illa uirginitate spoliaret, quā
animo, & corpore puram, & intactam semper conser-
uauerat. Scelesti instinctu lapsa est; & amissa virginiti-
tate, moerore conficiebatur, eāmq. peccatū illud, quo
sponsum Christum, puritatissq. reginam, grauiissimē
laeserat, remordebat. Quinetiam saepè proprii illius
foeditatē acerbissimē detestabatur. Interim ad prae-
fectae genua lacrymans misera accidit, eāmq. suppli-
cib. uerbis obsecravit; ut quod uellet supplicium de-
se illa fumeret; ad quāscunq. poenaſ luendas pro ad-
missō crimine le lacte, ac libenter paratam dicens. At
pia, & clemens prefecta benignè cum illa agēs, iussit,

& ob

tinatio

& ob culpam illam per aliquot dies intimus caperet dolorem. sed misera prius è uita discessit, quā potuisset illud, quod iussum fuerat, praestare. Post obitum, ut assumpta labes deleretur, Dei nutu, ad purgatorij poenas amandata est, ut illic se expiaret. Noctu, cūm se in praefectae conspectum dedisset, ab illa interrogata est, ad coelum ne recta euolasset, an perferret ali quas poenas. Respondit illa, se torrentib. flammis exarescere, poenasq. preferendas esse, donec concretam labem abiécisset: neq. se amplius inter consecratas Virgines connumerari, quando Deo dicata uirginitas, sibi fuerat erupta. Monuit tamen, supplicia illa brevia futura. Nam se ab illa inuisi dixit, quae mortaleis in lucem extollit, quā ubi agnouit, se obsecrassese, & suppliciter orasse dixit, ut sui pīe miseresceret, & ad memoriam reduceret, quām castē, & sanctē à se culta, & obseruata semper fuisset. Pietatis parentem ita secum locutam fuisse, testata est: Post hac tibi, o filia, ero propitia; nec illis poenis diutiū afflīctaberis, quib. digna es, quia à filio, & à me digressa fueras, frācto sanctissimo foedere, quo te nobis Virginem despōderas. Evidēt ualde tibi irata eram, qui cunq. n. filium meum laedit, grauissimam mihi iniuriam infert. Sed quia me saepē salutabas; ac mihi sincerè, & integre seruiebas; futurum scito, ut a eterna felicitate perfruaris. Soleo ego illis semper adesse, & ab eis quaecunq. corporis, & animae pericula propelere, qui me sibi aduocant. His expositis ipsam perfectam hortata est, ut sanctissimae, & optimae Dei parenti summē placere niteretur, ut eius precib. à filio tandem pacem, ac uitiae aeternitatē impetraret. Haec omnia,

do 8

omnia, uti uiderat, audiueratq. ceteris sanctimonialib. praefecta narrauit: eaſq. omneis rogauit, ut ad Virginem sancte, augusteque colendum animos adi-
cērent.

MIRAC. VIRG. L. I.

*A pio uiro centum Angelicarum salutationum corona ca-
ſtitatis Reginae connectitur.*

VIR nobilissimus, cuius uxor in Virginis fi-
dem, & clientelam se dederat, cum nullos
haberet liberos, Deum suppliciter obtestā-
tus est; ut prolis dulcia praemia noſſe ſibi liceret. Voti
compos factus natum ad christianam disciplinam, &
ad pios mores erudiuit, atq. instituit. Iam ex infantia
filius excederat, qui, cūm ab alijs pueris ſaepè florib.,
& roſis ſerta conſexi uideret, & ipſe idē facere, illisq.
maxima pietate cuiusdam Virginis ſimulachri frontē
exornare, neq. ullum unquam diem intermittere.
Iam natu grandior factus erat; cūm parentes ut con-
nubio iungeretur, ualde cupiebant. At ipſe, qui Deo,
eiusq. filiae illibatae, ſe uirginitatis puritatem ſartam
teatam integrāq. ſeruaturum promiferat, in coeno-
biū migrāuit, ubi quotidie magis, magisq. in diuini
cultus obſeruantia proficiens, firmiora christiani ani-
mi iaciebat fundamenta. Praeterea tum quia in illo
habitū, & aetate non decebat, tum quia roſae, & flo-
res propter hyemis tempus non proueniebāt, nō ſine
maximo eius dolore, iuſtitutum intermitti oportuit.
Itaq. statim aliud iniuit consilium. Centum. n. An-
gelicis

gelicis salutationib. florum uice utens, toseas ac floridas corollas quotidie componere pergebat. Factus eiusdam coenobij praefectus, eius caussa peregrin proficiscens, obliuione diem unum piam confuetudinem intermisit. Dum per remotissimam, & ingentem siluam iter haberet, ex equo desiliens a ceteris paullò longius digressus, Virginem salutatum iuit, uti consueverat. repente è latebris latro erupit, qui monaco precationi dedito equum res omneis, & uitam ipsam eripere decreuerat. Iam uero de illo actum fuisset, ni Virginis pietas imminens periculum propulisset. Latro n. in ipsum telum conuiterat, ut incautum occidet; sed statim formosissimus puer obuiam se dedidit; qui è monaci ore rosas prodeuteis colligēs, centū rosarū corona contexta, eaq. capiti imposita in coelum concendit. Id uides latro ad praefecti pedes se abiectis eius pacē exposcebat, quae de illo puerō, acciderant, quaeq. ipse uiderat singulatim exponēs. Quine etiam latro, religioni, & coenobio nomine dato, ad frugem animum applicans, pie, sancte, & integre reliquam aetatem degit.

MIRAC. VIRG. LII. *Virgine adiutrice iauenis ex aeternae mortis supplicio elabitur.*

I Vuenis clericus, et si in omne uitiorum genus prolabebatur; quotidie tamen prae scriptis ac disperditis horis Virginis laudes ordinatim recēlebat. Forte amnem tranabat, ut foedam libidinē expleret.

Matutinae

mitig

Matutinae precationis muneri minimè satisfactū sentiens, sedulò illi rei operā dare incipit. Vix ea uerba recitauerat, AVE MARIA, cùm fluminis impetu abreptus est. Neq. uero ipse, dum aquis immergetur, ab incepta precatione, donec sibi anima fuit, defitit. ipso interempto cacodaemones animam astraxere. Huic Virgo aduocata ueniens, à filio impenetravit, ut ante eius conspectum de ea re iudiciū esset. Quinetiam pro cliente caussam uehementer agere, pro illo dicere; atq. ita filium alloqui; Tu, filij hominib. sanctissimè pollicitus es; ubi illos morienteis compiceris, ibi iudicium habiturum. Quod si istius uita minus purè acta est; tamen eius finem laudum mearum prædicatione conclusit. Fas igitur est, ut per te misero clienti pacem impetrem; eumq. tu propitiatus serues. Quod si aduersarios, quae à me dicuntur, nō pudet diffiteri, uerum ipsum explorent; & eius os apertant. Ea re facta, Angelicae salutationis uerba AVE MARIA aureis litteris inscripta in ore, & lingua reperta sunt. Ab anima impij statim auulsi sunt; quam iustissimus iudex ad corpus redire iussit, ut ab illis errorib., quib. se priùs adstrinxerat, desciscēs, sacerdos ad honestum uitiae genus se reuocaret, quod factū est.

MIRAC. VIRG. LIII.

Quanta dulcedine Mariae Virginis sacratissimae nomen sit conspersum.

Coloniae in ciuitate apud D. Seuerini, in solitudine uitam pium vir agebat; ad quē saepe illius ciuitatis

uitatis matronae, atq. alij confluabant, eius precatio-
nib. maximum pondus inesse, pro certo habētes. San-
ctissimis eius hōrtationib. ac dictis omnes audientes,
quicquid ab ipso mandabatur, sedulō curabant. For-
tē illum optima mulier adiuit, quae palā confessa est,
sibi, quotiescunq. sanctissimae Virginis nomen memo-
rabat, aut de ea loquebatur, consueuisse os respergi
suauitate melle dulciori. Quinques. n. ipsa quotidie
Angelicae salutationis uerbis salutem Virgini dice-
bat. Itaq. coelestis reginae mansuetudine tam im-
mortali beneficio afficiebatur; ut, dum eam salutaret,
admirabili dulcedine sibi os repletetur. Totā hebdo-
madam sanctus vir, piā matronā imitatus, idē facere
perrexit; cui mellis liquorēs iucundo linguae sensu in
ore tractari uisi sunt. Quid aliud autē præter mirabi-
lem suavitatem, & exquisitā dulcedinem ē Virginis,
& filij dulcissimo nomine manare, aut fluere potest?
At illud non prætereundum est, quo tempore nobis
cacodaemon bellum indicit, nullo nos armorū ge-
nere contrā tam grauem aduersarium firmius muniri
posse, ut uictus ac fusus abeat, quam, si Virginis sacra-
tissimae & liberatoris nostri nomen ad memoriam
redigamus; & utriusq. sanctissimam uitam, atq. præ-
clarissima acta contemplemur; animoq. diligenter
expendamus.

MI-

Quoniam bis illi sacerdos, & dñe sepc illius ei-
meritis

insupilis libet et huiusmodi, cum non
sit nisi p. **MIRAC. VIRG. LIII.**
Dei clementissima parens ab aeternis poenis mulierem, do-
mito cacodaemonum furore, eripit.

Mvlies, cuius uita parum honesta prius fuerat, in eo tamen laudem maximam merebatur, quia quotidie mira animi submissione Virginem salutatum ibat. Illud unum deinde boni ab eadem prouenerat; quod Virgini consecrato die semel tantum ad eius memoriam sancte colendam, a sacerdote rem diuinam faciendam curauerat. Ad uitae exitum uocata, hunc cum sacratissima Virgine sermonem habuit: Pietatis mater, misericordiae tutum per fugium, et si nihil unquam in tota aetate piu, aut bonum a me profectum est, te tamen in me supplicem, & ante sanctissimos tuos pedes abiecam misericordia usuram confido. Interim camoritur; cuius animam quouis eripere cacodaemones statuissent; non tamen, ut aggressi fuerant, successit. Eam n. uti sibi addicta secum regina coeli abduxit. Conquerebantur ad uerfarij, se suo fraudatos. At ipsa Virgo respondit, nullum impijs in ea militare ius esse, cui mos fuerat Angelicae salutationi operam dare, & quae se, dum animam efflaret, Deimatri commendarat. Id non illi diffitebantur; sed adeo graueis illius culpas esse clamabant, ut tam paruo bono rependi minime possent. Forum argumenta ab ea, quae hominum generis partis agit, refellebantur. Etenim sacrosancta confirmatione ipsa testabat pr, nunquam aeternis poenis dangu-

-comodo

Y 2 natum

natum iri quenquam, cuius ad se colendā aliqua animi propensio fuisset. Id scelesti audientes, qui malè lucem oderant, è praeclarissimi luminis aspectu repente aquilsi ad inferas, & tenebricosas regiones effugerunt.

MIRAC. VIRG. LV.

Augustissimum Mariae nomen aurib. cacodaemones nequeunt excipere.

Secesserat à fragilius, caducarum, mortaliumq. rerum cogitatione casta, & pudica mulier; quā diū falsa imagine impius omnium bonorum hostis elusit. Ille n. coelestis ministri formam getens, fitoq. ac mentito splendore collutens saepius amicē simplicē alloqui, & cum ea longos fanē sermones habere. Interrogata ipsa à pio, & integro sacerdote, uti se haberet; respondit, praeclarè, & feliciter secum agi, cui quotidie ab Angelo plurima salus diceretur; à quo saepe occulta coelestia expromebātur. Prudēs sacerdos, qui sciebat à tenebris Angelis quandoq. Angelorum lucis imaginem capi, illam iam antea mōnuit, uti, si amplius ab illo inuiseretur, diligenter uestrum exploraret. Docuit eo tempore, quo se in conspectum Angelus dabat, Deum obsecrādum, ut eodem momento Virginem sanctissimam propriis oculis aspicere liceret. Purissimam Dei matrem si uidere contigisset, edixit mulieri, ut ad eius pedes submissè concideret; ac si ea in conspectu sisteret, se uerè ab Angelo salutari pro certo habendū. quod si regina nihil commo-

commorans abiisset, nō dubium esse testabatur; quia cacodaemon mulierem in fraudem iniiceret. quod à sacerdote iussum fuerat praestitum cū statim impius clamare coepit: praeferentia sua satis esse, neq. Virgine esse exposcendam. Verūr dum ipsa ualde etiam, atq; etiam summi regis filiam imploraret, obuiam se dedit candida puerilla; ad cuius pedes repente prostrata mulier illis uerbis AVE MARIA, eam salutauit. Id ubi factum est, statim facta, & inanis Satanae imago, quae miros mulieriludos tamen dederat, uolucris somno simillima effugit. Ea rēs tantum mulieri terrorē incusit ut insania percita, uix intra annū ad se redierit. Quis igitur praeclarè non intelligit quanta in sāctissimo Mariae nomine uis sita sit; quo prosteruntur cacodaemones; Angeli uero, ac coelestes exultant?

MIRACULUM VIRGINIS LVI.

Sanctissimis hisce uerbis, AVE MARIA, cacodaemones in fugam conyici. taliter oculis ipsorum incedit. deinceps uirginis uerba. sed uero. illa. deinceps uirginis uerba. sed uero. illa.

IN ditione Coloniensi sacerdos, cui nomen erat Petrus, desperatione percitus se laqueo suspen dit. Eius concubina, qua cum diu non sine maximo flagitio consueuerat, quae Adeleides nominatur, terribilis rei spectaculo perterrita, piarum sanctimonialium religione se obligauit. Ibi pure uitā agēs, cacodaemonem iuuenis formam habentem consperxit. Eam ille in terram prosternere, atq; arripere nixus est; quae metu exanimata cecidit. comites ipsam in lecto collocant; & dum paullum se receperisset, iterū

Filius Ipsi Secundus.

ille-

illecebris, & blanditijs ab hoste sollicitatur, & atten-
tatur: conficiis dolis animum ad illud uitiae genus, in
quoniam libido oclusa erat, ea reduci minimè pa-
tiebatur. Ille autem hunc sermonem habere institit:
Proba Adeleides, quam cunq. solicitudinem, quae te
excruciet, omittit, & animum induc, mihi motem ge-
rere. Honestum n. virum, diuitem, & nobilem tibi pa-
rabol. Ecquid infelix in paupete Virginum coenobio
fame perire statuis? Cur te hic inedia, aerumnis,
et q. molestijs, & incommodis is perditum? Iam ite-
rum delicijs mundi diffusus nec te illis reb. fraudes,
quas ad hominum commoda creauit Deus. Me duce,
& auspice nihil tibi unquam deerit, perpetua mihi te-
cum semper est amicitia. Ipsa tunc constanti animo
inquit, non modo non tibi obsequi statuo, nefarie ho-
stis, sed me ualde piget, ac pudet; quod tuis dolis me
in fraudem induci tanta mea cum iactura, ac pericu-
lo passa fuerim. Abi impie, abi scelerate; grauissimū
sum inter nos bellum. His auditis se illusum cācodae-
mon persensit, qui iccirco miseram noctes, diesq. tor-
quere nunquam desinebat. Itaq. sanctimonialis in-
timae suae consilio frēta, sacrae aspersionis uascu-
lum propē lectum habere coepit; qua, dum hostis ad-
spexit, & statim fusus abibat, sed continuo etiam
redibat. Tunc alia sanctimonialis aetate exactiori, &
grauiori iudicio praedita ipsam monuit, ut quo sae-
pius, aut proprius sceletus accedebat, eō cōfribiūs, &
altiori uoce salutationem Angelicam enunciare assue-
feret. Id ubi mulier Deo cōsacrata fecit, illinc turpis
similium monstrium repente uento simillimum disiectū
est, neq. ad eam amplius concensit.

-511 Finis Libri Secundi.

MARIE
VIRGINES
SAGRATISS.

HYMNAE

LITURGIA. TERRITORIIS

AN

COLLEGIIS VINCENDA COLLEGII

CELESTIVM. HYMNAE

Sacrae Medicinae.

ALBRECHT ANTONIUS

aus Lünen-Gerthe, von Paderborn

SCULPTOR

illecebris & blandis sub hodiernis saeculis, & de-
temporeis condolis communis est studia pisanum
quoniam nihil ostentat erat, ne radiis manuus punc-
tis curvatis. His autem ruris in moschis sive adoribus
lyrae Adelaidae cum propria folla redirent, et
exortatione, canticis, & cantus amandos, nulli cura omnis
pertinet, non distinximus autem, & credidimus, quod
ruris Eccl. misericordia in patrum Virginem recessit, ut
fatae penitus fuerit. Cur in hac mortua seruanda
et quoniam tempore incensatio & pietatis ab eo in
opus debet mundi effusio & generalis res. Fons
doloris & misericordiae, & amandi, quod dicitur. Hoc dico
sicut tempore ante annos & pietatis conatu & sciam
in primis, quod non nisi obsequio & fiducia, sed causa illis, sed non ualere ritet, ac puderit quod non deus se
in transierit, sed facies, cum lectione, ac pericu-
lo patio fuerim. Ab aliis pietatis febre, & ergo gratiarum
in intercessione luctu & angustia, & deinde & de
mors penitentia, non carmine, ne dicendo, sed de
nisi & sumptu destruximus. Tunc, tanquam in pietate
summa, tunc & omnia nostra, & tunc & pietatis uita
hospitio lectio in intercessione, & deus deus habet
hunc & beneplacitum, ut deus excedat postmodum
in nobis. Tunc & haec invenimus, ut deus excede
postmodum in nobis, & haec in deo, & deo in nobis
deus. Neut prius haec deus, & deo in nobis, &
deus in nobis, & deo deus, & deo deo in nobis, &
deus excedat ubique deus. Deo & deo in nobis, & deo
in nobis, & deo deus, & deo deo in nobis, &
deus excedat ubique deus. Deo & deo in nobis, &

Finis Fabri Secundi.